

博聞類纂


五之八

二


漢書門	
三	類
一七	號
二九	函
四	冊

內閣文庫	
三〇七	漢書
四	號
一	冊
九	架

內閣文庫	
番號	漢 3074
冊數	4 (2)
函號	367 98




德



博聞類纂卷第五

淺草文庫



會稽商 濬景哲校輯

鈕美芳汝實

陳汝元起侯同校

醫藥一

論議

診法常以平且陰氣未動陽氣未散飲食未進經脉未盛絡脉調勻氣血未乱乃可診切脉動靜而視精明出五色觀五臟有餘不足六腑強弱形之盛

衰以壯參決死生之分

凡人稟形氣有中適有躁靜氣脉潮動各隨其性故呼而脉再至吸而脉再至呼吸之間復一至合為五至此為中適者也此則氣脉調和無有虧損或呼吸間不應五至雖康強無事必有將至之疾宜速醫治

脉有損至何謂至一呼再至曰平三至曰離經四至曰奪精五至曰困六至曰絕命此至脉也何謂損一呼一至曰離經二呼一至曰奪精三呼一至曰

困四呼一至曰絕命此損脉也

凡人長短不同其形各異人長則脉長人短則脉短不可一槩論當以意詳審

夫脉者血之府長則氣理短則氣病數則心煩大則病進上盛則氣高下盛則氣衰長大則氣衰細縮則氣少

服藥不可多食生胡荽及蒜雜生菜又不可食諸滑物水果等又不可多食肥猪犬肉油膩肥美魚膾腥臊等物

病有虛實出者為虛入者為實言者為虛不言者為實緩者為虛急者為實

辨妊娠分別男女左手沉實為男右手浮大為女左

右手俱沉實必生二男左右手俱浮大必生二女

小兒脉三歲以上五歲已下方可看候然与大人有

異呼吸八至是其常也九至者病十至者困

凡服藥之勢与食氣不欲相逢食氣消即進藥之氣

散即進食其藥有食前食後者皆宜審此

煮湯當以井花水極令淨潔利湯欲生少水而多取

補湯欲熟多水而少取用新布絞之服湯宜小熱則易消下若冷則令人嘔逆不下然大熱則又傷人咽喉逆為害也

煮湯必須澄清若濁令人心悶不解服湯之時中間相去如步行十步再服若太促者前為未消後湯來衝必當吐逆也

凡服丸藥補者以二十丸為始從一服漸加至四十丸為限過多則損人

凡服浸酒藥欲使酒氣相接無得斷藥斷絕則不得

藥力多少皆隨性飲之以和為度不可令大醉至吐大損人也

凡餌湯藥其粥食肉菜皆須大熱大熱則易消與藥相宜若生則難消復損藥力仍須少食菜為佳亦宜少進鹽醋亦不得苦心用力及妄喜怒

脉者血之府脉實血實脉虛血虛

藥有酸鹹甘苦辛五味又有寒熱溫涼四氣及有毒無毒陰乾暴乾採造時月生熟土地所出真偽陳新並各有辯

欲療病先察其原使其五臟未虛六腑未竭血脉未亂精神未散服藥必活若病已成可得半愈病勢已過命將難全

若用毒藥療病丸如黍米粟病去即止不去倍之又不去十之取去為度

病在胸膈以上者先食後服藥病在心腹以下者先服藥而後食病在四肢血脉者宜空腹而在且病在骨髓者宜飽滿而在夜古本說如此按此但藥性之多方其節適早晚服須條理今方家所云

先食後食蓋此義也又有須酒服者飲服者冷服者煖服者服湯則有疎有數煮湯則有生有熟各有法用並宜審詳爾

凡濕茶燥者皆大耗當先增分兩須得屑乃秤之為正其湯酒中不須如此也

凡用蜜皆先火煎掠去其沫令色微黃則經久不壞掠之多少隨蜜精麁

所貴乎扁鵲者非賢其隨病調茶貴其壓息血脉知疾之所從生也

男子勞傷而得疾瘵漸見瘦瘠者用童子小便兩盞每灰酒一盞以新磁餅貯之全猪腰一對在內密封泥日晚以慢火養熟至中夜止至五更初再以火溫之發餅飲酒食腰子病篤者節一月効平日瘦怯者亦可服此茶蓋以血養血全勝金石草木之茶也

凡服補茶或丹茶須隔夜進一服青州白丸子下胸膈痰氣則來日服補茶墜下有力

金液丹硫黃煉成乃純陽之物夏至人多服之反為

大患有痼冷者宜服

麋茸補陽鹿茸補陰

凡喘嗽切不可灸肺腧穴蓋火剋金也

老不醫風非不醫風也只當調氣耳少不醫勞非不

醫勞也只當調脾爾

仁宗問翰林脉者何也對曰血氣也上笑曰脉尚不

能識其翰林請問答曰一呼一吸也其意甚深今

醫者不能辨也

備製

研茶欲經晝夜不歇者繫一鈴于槌柄上研人不敢
怠惰也

甘草水中蘸過灸令透搗末如粉每查試之良驗

蓬莪茂最難末惟濕紙裹在灰火中熟煨取出急搗

應手如粉

乳香尋常用指爪燈草糯米之類同研及水浸鉢研

之皆費力惟紙裹置壁隙中良久取研而粉碎

炒乾漆以罇烟為度每炒時一見烟盛即取下候冷

再炒如見烟盛又取下放地上如此三四次罇烟

五月上辰端午臘日并臘月晦日前三兩日合茶久
不喝也

以醋炒丹以鹽炒鉛成粉

通草抹糯米粥焙乾研之節為細末

雲母石欲成末須益母草捌汁浸一宿研則易細

熟艾欲成末當入白茯苓少許同碾

犀角用人肉暖久之搗則成末

燈心欲成末入磁瓦末少許同碾

生金能殺人凡金銀箔用手涓滴膠水干磁器內細

研如泥然後以水飛過就磁器焙乾入茶今人用

金箔貼茶丸者不宜多服

欲通靈救急茶須是甲子日陽時合之方靈

免絲子酒浸令肥用紙筋纏裹成小餅微乾帶濕碾

則易碎以其餘者再如此碾之但只酒浸爛研成

膏却焙而再碾必碎

牡礪須先為細末以米飲團之入火煨則不爆研乳

香默誦玄胡索三字則易細

凡湯中用鹽者不可入鐵研候成末却入鹽

凡暴濕菜

如枸杞子乾
山茶之屬

置盆水上即易乾

浮萍亦然

取橘紅法橘皮不拘多少水浸令軟用麤稻糠拌和
輕手摘之其白盡去

凡碾兔絲子默念老鷹不輟即易細

凡灸黃芪大頭寫官字小頭寫人字碾易細

凡暴當歸附子肉豆寇澤瀉棗子白皂等煖則愈生

蟲宜略蒸少時暴收即無蟲患

牡礪有雌雄入菜多用雄者雄者左顧也極有力

嘉木散用枇杷葉須是先刷去葉上毛盡灸入菜不

然動人臟腑一云入肺經令人癆喘嗽

乳香用乳鉢下著水輕研自然成末

凡合費細菜須逐味各研為細末却用末子逐味等

分兩合和一處庶得停勻

紫花朮如雞腿者為佳用乾麥麩和之可以致遠

用鹽拌兔絲子碾則易碎

研乳香以紙裹火上略烘之

煨牡礪先以京墨末塗之

黃芪用紙包席下卧一夜次日研不成滓

白膠香研為細末就熱熨斗上攤在紙上作膏菜絕

妙

研五靈脂入麻油三五滴昂易成末

凡用茯苓細末以水浸攪之澄去其浮筋取沉香照

乾最佳東坡茯苓賦言之詳矣

天麻子欲取仁須先炒令十分熟急泡起懸井中水

面上少頃其殼自脫

淘洗鍾乳末時用細絹袋盛就水淘洗浮在面上者

皆鉢末當去之

艾以糯米飲拌和焙則研成末

研麝香須著少水自然不必羅也

凡製湯末子一兩炒鹽三錢重和之則不蒸

合駐車丸阿膠勿研碎先以諸菜為末却以阿膠入

蜜同溶旋調如堅火上微烘即易丸也

凡草有根莖柯葉皮骨花實諸蟲有毛翅皮甲頭足

尾骨之屬有須燒炮灸生熟有定宜一如其法

凡擣羅丸菜用密絹令細干蜜中和之則易熟若羅

草菜為散以輕細絹干酒中調服則不泥其石菜

亦用細絹羅然後研理數百過視色理和同為佳
潤澤茶如天門冬乾地黄之類皆先切曝獨擣令偏
碎若逢陰雨以微火烘之既燥候冷乃擣之

凡秤茶銖兩最不可差凡言分者即三錢半為一分
也凡言兩者即四分為一兩也凡言斤者即十六
兩為一斤也

凡煮湯云用水一大盞者約一升也一中盞者約五
合也一小盞者約三合也

血竭多以降真偽為不可不辨以針刺手出血用茶

糝之立止則真也

安息香燒之以厚紙覆其上烟透者為真

廣州番茶多有偽者好乳香多是用白膠香攪糖做
但燒之烟散多叱声者偽也沒茶以五靈脂作但
以乳香与茯苓共嚼成木者是真

青州蝎比他處者緊小而尾稍多一節

肉蓯蓉最難辨唯咀之即化都無滓者是真

許彥博云曾至雷州黃唐驛阻水因問土人烏茶云
今州縣所取者皆烏茶之老根也硬結不堪用其

好者自根中引一條根細如筋長幾尺乃生一根
兩頭尖七根真烏菜也經年又生別為一本矣其
未生苗當年者斷之如粉因引其人尋得一本掘
之如其說

半夏干黑卓上可書字乃真齊州者

辨虎睛真者以犬聞則尾捲而去

肉菘蓉以刀切肉有細煤沙而每滓者是

辨血竭用少許放香匙上近火少頃如血色者真如
假者黑色

陽起石投于水碗中勃泡起者為真

用地龍須是如錢者佳

辨膻肭臍放卧大鼻边犬聞驚跳如狂者是

辨蘆薈用一椀湯以兩小塊對點椀緣上少間兩路

金色如線下相合者是真

辨白花蛇蘄州出者兩眼如蟬殼廬州者右眼枯左

眼金黃左眼枯右眼金黃頭方背花方勝身自蟠

不用竹插串尾有白爪是

辨犀角鏘屑在掌中少時易碎研成末如牛角驟蹄

研則軟

皖山石乳香玲瓏有蜂巢者為真先蒸之次蒸沉檀之屬則氣為乳香烟罩定難散否則白膠香也

凡甲凡出肉者是甲貼肉者是

南威

乃橄欖也太平廣記

石蜜

櫻桃也

盧橘

枇杷也

木蜜

棗子也

麝

音煤六帖載

龍眼

本好此月

蔥白涼清熱

通九竅

韭白暖清涼

閉九竅

假附子法以川烏去皮為末糯米薄糊搜入模匣內印成三十樣用白芨糊夾紙灰拌勻刷上陰乾炮

之則裂緣白芨性緊炮則裂以湯浸少時白芨見湯則溶化乃辨真偽也

伏日造神麴捏作團子兩箇相並候乾聯畢皆空腹

反惡

桂心能殺草木得蔥復生

菜中有木勿食桃李及雀肉胡荽大蒜青魚鮓等

有藜蘆勿食狸肉

有巴豆勿食蘆葦及野猪肉

有黃連桔梗勿食猪肉

有地黄勿食葷菜

有半夏菖蒲勿食飴糖羊肉

有細辛勿食生果

有高陸勿食犬肉

有甘草勿食生胡荽松菜海藻

有茯苓勿食醋

有牡丹勿食生胡荽

有常山勿食生菜生蔥雞肉

有空青硃砂勿食生血

有鱉甲勿食莧菜

有天門冬勿食鯉魚

茶十八反藜蘆反人參丹參沙參玄參苦參細辛反

芍藥甘草反甘遂大戟海藻芫花烏頭反半夏瓜

藜貝母白蘘

服茯苓如喫醋則前切俱廢

今時治嗽并痢多用罌粟殼為主若不去蒂內膜服

之能令人惡心頭重服暈

服何首烏散不可喫茶

服黃連多反為心熱若助心也

常服川烏草烏頭者不可食合葶令入嘔血合葶與

二菜相反

患脚氣人不可喫鯽魚甚驗

有風病者不可喫胡桃能發風

凡患瘡疥者切須忌茶

解毒

雍菜解毒野葛毒見本草

中河脫毒水調炒槐花末及龍腦木皆可解

黑豆菘豆各數合生嚼之且煎湯并飲解附子毒

煮大黃朴硝數益連服解茅毒

食柑多者柑皮解之

誤食巴豆者服黃連湯解之

中葶毒服橄欖即愈

解諸菜毒煮黑豆令熱多飲其汁如每用豉汁

半夏毒以生薑汁解之

藍青按汁解河豚毒或青黛調水亦可

淡竹葉乃大竹葉濃煎湯飲之解丹毒

一說非竹葉
乃一種草葉

如竹生干幽陰山澗及水際人多取以造白麴甚有驗

猪浮筋骨煎汁飲之大去丹毒

生螺螄肉能解鳩毒亦解酒毒○又方治鳩毒及治

百病白匾豆末温水調服

慎食毒菜咽急閉用羊蹄根細研醋調飲吐出涎次

灌蜜水声方出

如丹癸用鉛一斤水二椀煎至一椀冷飲之即愈

如中附子草烏毒只食生慈菇如每取其根葉搗汁

灌之

食金毒鴨血雞子並解之

治臘毒用酒細研側柏葉取汁空心温服

治丹毒伏龍肝為末新水調傳即竈門肉土也

如中合口椒毒狀如中風只啜米醋即愈

生油亦治毒凡卒中毒不及求醫菜只服一盞生油

立吐

犬食馬肉癸狂以枸杞煮粥飼之即解若不肯食以

鹽塗其鼻即舐之則必食矣

中烏頭川烏食毒者急以冷水嗽口飲一二口尤佳

蓋野猪每中茱箭必走入溪澗飲水此其驗也一
方令飲少生麻油

端午日午時用茱萸和石灰搗成餅晒乾能治癩損

刀傷瘡口并蜂蠆蜈蚣之毒

雄黃能解蟲毒瘴峽人用之

如服丹癸以鉛粉調地漿服之即解也

石灰入馬眼便生膜如欲解以鹽湯洗之

服硫黃茱萸過多則入腎之惡燥則患癆疽以猪脂肥
肉喫之則解

罌粟湯解丹毒。又法櫻粟子入少水研去查煎取

腐入姜蜜俱能消丹毒

酒能解葦毒葦撓茄能解酒毒

治蠱毒升麻為末三錢淡水調之

碓砂仁治一切諸毒并骨鯁又同茯苓管仲人參為

末水糊作丸每服一丸如圓眼大小磨嚙下如嚼

百草毒皆解之

真雄黃一塊為末酒調之治一切毒

雪糕十文和猪脂四兩同喫解鐘乳毒

中草烏頭毒以米醋解之青黛冷水調服

誤食桐油飲酒解之又喫乾柿少許即止

解毒丹研瓜蒌根飲之○又方萱草根研汁飲之

誤食巴豆以貝殼煎湯服之或服理中丸

解砒毒以菜豆粉調水又生醬調水又香白芷末調

水又升麻二升水五六升煎至三升極冷隨意服

解諸菜毒濃煎黑豆汁飲之

砂糖日草解草烏毒

食羊肚解百菜毒

藍汁解丹毒猪羊血及菜豆粉亦能解

服風菜多悶亂不醒用醋灌或濃煎甘草湯同生姜

自然汁飲之或螺鬼青新汲水調下

白礬調水解毒烏毒

治丹毒用四物湯香蘇飲各一貼和煎服

解砒霜之毒每如醬調水最佳

中一切毒菜淡豉蔥麥門冬各一握水一椀煎一盞

服之

解諸食毒生韭汁服一二盞○又頭垢圓如棗核大

吞之

解諸菜毒煮黑豆汁多飲之每黑豆豉亦可用○又
白匾豆碾為細末用水調下亦解砒毒鳩毒
飲酒中毒煮大黑豆一升取汁三二升服之立吐愈
解百菜毒以出了蠶子紙燒灰研細每服一錢冷水
調下頻服最佳雖面青絕脉腹脹吐血服之立活
亦治牛馬誤喫花蜘蛛脹腹欲死者每用兩大匙
水調灌之下喉立効
石菖蒲白礬等分為末新汲水調二錢解諸毒

生油解巴豆毒又煎黃連湯亦得

飲釀米醋吐砒毒只不可飲水

耳草黑豆淡竹葉濃煎湯解諸菜毒

濃煎防風湯飲解附子毒

藟毒取石首魚頭白水煮濃汁灌之每不生

河豚毒五倍子白礬等分為末水調灌又槐花腦子

為末水調灌之

解草烏川烏附子毒麻痺不省者竹青濃煎汁温冷

服之即省

人中巴豆作瀉以豉汁解之立効

解手為巴豆所毒濃煎黃連湯洗之

杏核連仁搗為細末米飲調下解砒毒

中砒毒以地漿調鉛粉末服之即解豉汁亦佳

誤食桐油令人嘔洩飲熱酒乃解誤食砒亦飲熱酒

而瘡

杏仁解豆粉積痛昔有好食豆粉久而成積嘔吐腹

痛百藥不効忽聞廚下嗔市買將杏仁在粉邊索

粉不成因取杏仁食之兩日腹痛頓除

大甘草橫紋者截成小塊麻油煎過空心食前食後

常嚼久而作効若誤食毒物必嘔出不為害

王氏博濟方保靈丹大治諸菜毒

狼烟入口飲醋解之

水調鬱金末飲之能解砒毒

凡中菜毒及一切諸毒從酒得者難治言酒性行諸

血脉流徧身躰故也因食得者易治言食与菜俱

入於胃能容雜毒又逐大便泄出毒氣毒氣未流

于血脉故易愈也

解諸菜毒用白礬一兩搗為末以新汲水調灌之口
鼻耳中皆黑血勿恠

菜毒救解欲死者用雞子二枚去殼用物開其口灌
之須臾吐出使瘥又用生鴨就口斷鴨頭血瀝口
中入咽即活

凡煮諸菜解毒者皆不可熱飲之使諸毒更甚宜少
冷爾

百菜毒用甘草芥芫大小豆汁藍汁藍實解之
班猫芫青毒以猪脂大豆汁或塩汁鹽湯巴豆並解

之

狼毒毒以杏仁鹽汁白蕨鹽汁木占斯並解

躑躅毒用梔子汁解之

芫花毒用防已防風甘草桂苓汁並解之

藜蘆毒以雄黃煮蔥汁温湯並解之

野葛毒以雞子清葛根汁鴨頭熱血甘草汁猪脂並
解

凡右毒大豆汁解之

金銀銅鐵毒鴨糞解之鐵毒磁石解之

耳遂毒用大豆汁解之

飲食中毒用甘草菴菟煮汁服之又方服黃蘗末一錢即瘥又燒匾豆為末水調服三錢立効

飲酒中毒用乾葛花半兩為末煎作湯細呷之

食菌蕈毒掘地作坑以新水投坑中攪之每服一小

盞不過三日即瘥

解鳩毒葛粉冷水調之

食大畜肉中毒以水服壁底黃土一錢即瘥

食牛肉中毒以猪牙燒灰為末水服一錢又只飲井

水一碗即消

食馬肉中毒搗蘆根汁飲一盞兼作湯浴之即解

食狗肉中毒用杏仁三兩和皮細研以熱湯三鍾盞

拌和勻食前分溫三服其狗肉皆全片出即瘥

食鴨肉中毒以淋米泔溫服二鍾盞

食諸肉中毒以燒猪糞為末水調服一錢不過三服

瘥

食諸魚中毒用煮橘皮汁生蘆根汁黑豆汁馬鞭草

汁朴硝汁並解之

食蟹中毒濃煎紫蘇飲一兩盞解之

食菜中毒用雞糞燒為末水調服一錢未解更服之
射肉毒以藍汁大小豆汁竹瀝麻子汁六畜血貝齒
屑葛根地龍糞藕芟汁並解之

五種盞毒皆治方馬兜鈴根三兩搗節分為三帖用
一帖以水一大盞煎至五分去滓空腹頓服當時
吐盞出未快吐再服之以快為度

治百盞不愈者取鶉鴿熱血隨多少服之又方取越
燕頭血隨多少飲之

中盞欲死甘草半兩生用以水一大盞煎至五分頓
服之當吐痰出若平生要預防盞者宜熱艾煮汁
服即內消不吐神驗

忽中盞毒者取白鷄鴨血灌口中立効又方取胡荽
根搗汁半盞不計時候時服之其盞立下和酒服
之更妙

中盞吐血者用小麥麩二合分為三服以冷水調服
之半日令盞當下盞即瘥

中盞下血者用螺皮燒灰細研以水煎調下二錢日

三服

諸風

破傷風有立殞者唯以鯨膠一錢七封之又酒服一

錢七則立甦醒

中風垂茶備用急取頂心髮一撮毒撒以省人事為度

有人用力打一妮子忽一臂不遂乃是氣中廢一臂也急用古方五積散姜棗煎去滓入麝香服之或先與蘇合香丸一服尤効

凡人初中風切不可先喫風茶及附子先喫氣茶後喫附子不妨

破傷風如瘡腫痛者急尋路行人糞下土調付立効中風口眼喎斜鮮魚血調草麻子肉拌勻左患右塗以止為度

治頭風臘茶少許入煨蔥白三寸梅霜少許沸湯點服

治頭風辣蘿蔔取自然汁左疼右鼻搗之右則反是睡中風吹手足或酸或痛或腫用炒熱塩帕裹熨之

微汗出即愈又方附木湯加羌活亦好

治紫白癩風以貝母為末入面茛洗之又一方白風
用紫茄切去蒂蘸擦之紫者用白茄

中風人醫得手過頭方是後舊

如中風先服蘇合丸及小木香丸不可便服附子及
丹茛

治破傷風用蠟煎酒服

破傷風用明膠燒灰存性二錢酒調服又魚膠燒灰
存性二錢入少麝香酒調服

又瘡口作白痴每血者殺人最急以雄糞直者是研細

熱酒調半錢服

治肺風面上生瘡用枇杷葉布擦去毛灸乾為細末
食後茶調下二錢

紫白癩風生硫黃末以生薑蘸擦之

暴中風未可服它茛先以麝香煎五積散灌之候醒
隨證而治

病風小續命湯下防風丸

洗頭中風新通草於新瓦上燒灰存性每服二錢熱

酒調下牙關緊者灌之

大病後虛頭風四柱散煎熟時入好蠟茶一盞服之
臉生風粟其色不定或青或黃或赤磨癢睛珠澀痛
難忍取厨下用木杓以刀刮其唇遇有砂取去一
兩粒所患隨手即安殆不可曉其理也

眼目眩腫宜服四生散

卒感風寒用生薑汁調熟酒一盞則癸散
感風頭疼香蘇散加白朮川芎服之甚佳
腸風胡孫姜不拘多少燒灰存性米湯調下

治腸風側柏葉醞醋浸三宿取出焙乾為末米飲調
下二錢三服愈

治腸風下血旱蓮子瓦上炒令烟出存性為末每灰
酒或陳米飲調下二錢

松釵碎剝拌麩皮炒帕子包熨去風濕

正氣散和香薷散治夏月傷風

中風涎潮昏塞不語者可先將通關撒搐關竅一通
帛与大保丹壺或用午黃清心丸

中風不能言詔用桂一兩檮令碎以水二大盞煎之

至一盞去滓不計時候分溫三服

中風口喎取巴豆七枚去皮爛碎喎左塗右手心喎
右塗左手心仍以煖水一盞安向手心須臾即止
便洗去茶并頻搗中指立効

又方苾蓐去子皮用滾水調如稀糊入大麥麩調左
喎塗右右喎塗左方正便急洗去

大風疾以花蛇生者浸酒頓服大驗昔有監酒官患
此一日詣釀酒處徧嘗有一缸酒氣味特勝以問
酒工答云昨浸死一蛇不敢申報其蛇只在缸後

視之有香氣其人知其花蛇也盡飲此酒一月而
愈

患大風不拘久近用真麻油半缸入坐其中浸七月
每不瘥者

大風癩疾用煉松脂白色者不計多擣熟研煉蜜和
丸如梧子大每服食前以蜜湯下一十圓一月後
大効

博聞類纂卷第六

會稽商 濬景哲校輯

鈕米芳汝實

陳汝元起侯同校

醫酉藥二

傷寒

始得病無熱但狂言煩燥不安精采言語与人不同
主當物以火導但以五苓散三二錢服之可与新
汲水一升或一升半可至二升強飲之指刺喉中

吐之隨手便愈 村落間未有贖茱處得病後節
以白粳米煮稀粥入紫蘇葉四七葉生薑錢二七
片煮熟喫微汗節愈不問陰陽二證皆可用傷寒
三日內用截法方麻黃蒼朮甘草各等分作末每
服三錢水一盞煎至六分熱服一併三服立効傷
寒為証四時不同服茱亦異在於加減得理每不
差好凡傷寒不問表裏用五積散敗毒散各一貼
春三月加香蘇散一貼夏三月加五苓散秋三月
加金沸草散冬三月加小柴胡湯右依時將所加

茱合前二茱和雜每服三錢重水一盞半姜三片
棗一枚煎至八分去粗熱服不拘時候此方甚妙又陰
陽二毒傷寒及時疫用蒼朮一片淨洗焙乾甘草
四兩生用石杵搗羅為末每服二錢以熱葱茶清
調下熱水漱口良久稀粥飲投之汗出則差 春
夏之交或夏秋之交霖雨乍歇地氣蒸鬱令人驟
病頭疼壯熱嘔逆有舉家皆病者謂之風濕氣不
知服茱漸成溫疫宜用五苓散半貼入姜錢三片
大棗一枚同煎熱服一椀立効 又方取生葛根

淨洗搗取汁一大盞內豉一合煎至六分去豉不計時候分為二服有汗即差每汗再服時氣寒盛又在冬天不可近火毒氣入心變成陰證傷寒必死萬不救一時氣得病一日宜發汗二日三日亦可發汗四日可吐五日宜下傷寒得汗後不飲酒飲之者殺人難救

痰嗽

凡痰厥以生姜自然汁調理中蘇合各一丸用湯解而飲

咳嗽有冷熱咳嗽飲酒不嗽者為冷飲而多嗽者為熱

暴感寒嗽用錫巴馬屁李一塊含化次飲生姜自然汁少許

治噎以蘿蔔濃煎湯如熱水飲之

泄痢

敗毒散用陳米五十粒煎服治噤口痢

陳皮濃煎湯空心服治大便不通

治冷痢附子炮去皮臍烏梅燒灰等分姜棗煎服

治痢久不瘥椿子炒熟為末調之

治臟毒木鱉子以針割於麻油燈上燒成灰研細濃

煎陳米飲調二錢服

治痢神效黃丹不拘多少鎔黃蠟和劑為丸如豌豆

大每服三丸赤痢甘草湯白痢乾姜湯赤白痢甘

草乾姜湯下

治臟毒膏風湯下駐車丸亦治痢

大便不通以鹽實於臍內包之通則解去

老人臟腑不通以黃耆人參麋末濃煎服之

噤口血痢方鱖魚不去鱗腸臘日懸於簷下當風處

令自乾至立春後取下用瓦火上焙乾碾為細末

臨用時米湯調下

治痢用閩中水梅水臘茶飲之則愈

治痢連翹丸赤用黃連湯白用白姜湯下

治痢以艾葉陳皮煎濃湯下

治痢之初宜先服感蕉丸數服方可進痢菜

治痢川烏頭一分生一分燒一分炮為末醋糊丸同

研爛丸如菜豆大每服以黃連湯下五丸

痢菜用罌粟殼須去其蒂并穰膜盡方可用如水瀉

以大蒜搗爛貼臍下并脚心即止

夏秋間暑濕以理中湯下駐車丸

赤痢煎四物湯下駐車丸一貼作一服

治大便不通皂莢去皮燒存性為末煉蜜丸如梧桐

子大三十九米飲下且不損氣

罌粟花未開時外有兩片青葉包之花開即落地收

取陰乾患赤白痢垂死者碾為細末米飲調下二

錢立有神効

四物湯加黃耆枳殼等分白木煎大治臟毒

血痢以生地黄汁三合煎取二合下蜜一合攪令勻

溫服効又方藎臺搗絞汁用密一合和煖服

熱痢搗車前草子葉絞取汁一中盞入蜜一合煎一

兩沸溫服

下痢膿血以薤白於醋中煮令熟及熱飽食即止

赤痢用牛角鯁燒為末細研食前以粥飲調下

久患赤白痢及水瀉川烏頭二枚一枚豆煮一枚生

用為末以黑豆半合入水同煮黑豆熟為度与豆

緩火煎成膏停冷每日取少許作丸內所患處驗
休息痢藤蘿一兩搗羅為末食前以粥飲調下氣痢
取寒食一百五日預採木蓼曝乾用搗羅為末時
食前粥飲調下一錢又方取黃牛乳一小盞煎畢
芡末一錢不計時候稍熱服

或水瀉不止用姜一塊去皮破作兩片刮去姜心內
白礬寒滿乾紙包火中煨令姜熱取出以盞覆地
下令去火氣却以半滾湯半冷水相和一小盞謂
之陰陽水盡服之立効又方殺羊角一枚用白礬

末填滿燒為末都研為細末食前汲新水調下二
錢

痔漏

治痔漏方凡患五痔以桑耳二兩搗羅為末食前米
飲調下二錢又方臘月牛腊壹具煮熟食令盡又
方蛇脫皮二兩燒為灰入射香一錢同研令細食
前以粥飲調下二錢

鼠乳痔用蜘蛛絲纏繫其上自然消落

痔疾生瘡腫下血取馬齒莧菜洗去土熟搗絞取汁

丸如梧桐子大每服七丸米飲下又方塗熊膽松
痔瘡上日三五度神效

痔疾肛門邊硬痒痛不可忍以白礬三分研用童子

熱小便二盞化白礬以洗痔上日二用效

痔瘻以硫黃末少許內瘡孔中以艾烟薰之又方桃

根煮汁日二次洗之

痔初覺腫疼者以鏽刀磨水洗之

痔疾肛門腫痛者用木鱉子去殼取肉四五枚研如

泥安新磁器或木盆內以沸湯衝動薰洗了更以

少許塗患處

有人腸出七八寸仍有痔以蜜陀僧糝肥猪肉炙熟

啗之一夕自止

急流溪水宜洗脫肛及腸風痔疾

治脫肛敗荷葉蓮蓬五倍子枳殼荆芥煎湯洗則縮

而不痛

男子婦人痔俱以河水令人洗洗了用腦子和摩風

膏塗之

肛頭出急以草麻子研入水調塗頂心才入急洗去

治痔用片冰腦子頭青礮為細末麻油調傳又燒枳

殼煎枳殼服枳殼為上菜燒者薰煎者洗服者用米飲調又方先

用冷漿水洗了以五倍子末糝之即瘥

治痔用魚醒草其狀三角一边青一边紅山野中有

之取一握許煎湯熱薰通手洗仍以草浥痔即愈

病痔人以樺皮散酒調服

治痔脚指甲并拘橘等分煎湯薰洗可除根又方用

海水煎湯薰洗如每入鹽煎亦得又方苦益菜治

痔尤佳

治腸風臟毒用桃核一箇燒灰末盡研為末以酒調

下

外痔以黃丹滑石等分為末新汲水調塗日三五次

痔疾用蝟皮燒灰酒調服之又方以手足指爪燒薰

即愈

新痔用海蝶蛸去麁皮為細末每二錢生油調成膏

鵝毛拂上

治腸風用銀杏煨熟出火氣每二箇用薄荷煎一丸

細嚼末飲下立愈

治痔用新河水按馬蔴頭菜汁洗之三次節瘡
凡痔用地骨皮五倍子濃煎湯洗不令十分乾然後
以不槿葉碾為細末入射香少許如燃印香於盆
內薰之甚妙

痔瘡如割下用袋盛帶之則痊不再作又黃連木香
等分為末臘茶調下又蜜炙蘿蔔任意食之
下血取豬肝片煎四順散下駐車丸
腸凡香白芷為末米飲調下又濃煎黃連湯下連翹
丸或紅丸子又山棗俗呼為鼻涕團并肉核燒灰

米飲下又方煎黑神散調消風散服

中暑

盛暑中行忽中暑昏悶仆地急取道上熟土水調服
之如有大蒜用三兩瓣同研尤妙

煎香薷湯冷服治暑氣

寒食日以紙袋盛麵掛當風處中暑調水服

治中暑皂莢一兩燒灰甘草一兩微炒並為細末每
服二錢溫湯或新水調下神妙

中暑伏熱於道塗者切不宜以冷水沃之先以湯半

盞飲之佳

皂莢燒灰存性為細末每四兩入甘草一兩白礬半兩新汲水調下名曰烏金散

飛羅麵新汲水調下不拘多少治中暑

百藥煎蠟茶為末烏梅肉為丸如鷄頭大含化治暑

渴名曰水瓢丸

用水水滴用乳頭上以扇搨之涼徹骨

小柴胡湯治中暑發悶

平胃散用蒜丸夏月服之去暑

如中暑時急以新水滴兩乳節甦

瘡腫痲痺附

元豐初有人苦禿瘡久不瘥或傳草烏頭可治不窮究其法遽以烏頭末塗之塗竟熱痛如火宛轉叫躍而死

白鴿矢治患疥食鴿立愈馬患疥入鬃尾取矢炒末入草飼之

貼瘡癰及灸瘡膏藥切不可置門戶後蓋其物至穢宅神悉避去往往因致鬼魅之屬

蜜蜂陰丸為末用雞子白等分塗癩痕即去

治疥腮以水調乳香末塗之仍服蘇子降氣湯

酒下通真丸治瘡瘍

治癰疹桃頭葉浴時浸在湯內擦洗即愈

治漆瘡白菘菜爛研取濃汁塗之

治癰疥面東以手托舒壁上中指灸壁上三壯即

愈

惡瘡不問年深用地骨皮為細末監湯洗乾糝極妙

凍脚瘡用烏頭一枚炮令生熟得所為細末水洗糝

之妙

立秋日太陽未升採楸葉熬為膏傳瘡瘍立愈謂之

楸葉膏

梅雨水洗瘡瘍滅癩痕入醬令易熟沾衣便腐浣垢

如灰汁有異於他水

赤小豆末傅腮腫必愈或去可療發背

一方更添生半夏

治頭瘡乾地龍為細末入輕粉麻油調傳之

消赤腫伏龍肝為末用芭蕉油調傳之

灸瘰癧未破者即消已破者瘡口便合男左女右於

曲池穴上灸三壯腕中四壯肘裏下對曲池三壯
如大麥粒大

三月羊糞晒乾煨灰存性和輕粉油調可傳惡瘡一
名百草霜

破舊朱紅漆器不堪用者剝取朱漆燒灰油粉調傳
禿瘡

以紫草浸油塗白禿瘡

大人小兒額下有瘡久而不愈名羊鬚瘡以羊鬚把
燒灰存性麻油輕粉調傳即立効

治內外腫瘡久患不瘥者以北棗核燒灰乾傳之

治漏瘡嚼五倍子和血竭末塞之

治發背瘡神効大刺疥取根刺疥有兩種小刺疥每

針乃北人作蠶喫者本草謂小薊其力稍慢大刺

全相類但葉上每出尖處有針似紅花野苜蓿之

狀四五月間其花亦如紅花本草謂之大薊不拘

多少洗淨切細研如膏塗瘡上其冷如水初發者

能消散已成腫者調塗每不効者

發背已發未結成已結成未潰用牛皮膠二兩酒二

升同煮候皮膠溶化放溫冷病者徐徐飲盡如未
結成即消已結成則易潰冷則易瘥如未効再用
必効

發背初結成未破者用粉霜末白龍腦各一兩研細
用新水調塗瘡上立効又方甘草不拘多少為末
每服三錢酒調下

諸瘡癰疽發背方用遠志不拘多少洗淨去土曝
乾為細末以酒一盞調遠志末三錢良久澄清飲
之以藥傳瘡上即驗凡惡瘡浸潤漸大不痛者為

有灰肉傳之即痛不可忍者為痛劇傳之即止
痛有熱氣逼人手者為裏有伏熱傳之即便清涼
瘡有久不斂不生肌肉者為榮弱瘡口冷故也傳
之即斂而愈潁川韓大夫累世用此救人其驗如
神

腫毒發背便癰腎癰應癰痛用橫文甘草二兩炙乾
碾為細末分為三服熱酒調一服如人行一里再
服三服并喫

熱毒諸般瘡方用好酒二盞瓜萐一箇用穰大甘草

二寸半與酒藥浸之取清酒一盞溫服之又方白
蟾土不拘多少火煨通紅遍數多為妙細末生油
好粉調塗即愈又方用茄子切作片看瘡大小眼
子週迴調醋硬麵糊塗之

治癩瘰方以白藥子搗為末臨卧冷米調飲或冷水
調下一錢

癩瘰發腫而堅結成核者用莽草一兩搗羅為末以
雞子白和塗於帛上貼之一日二易

癩瘰頂上生累累如梅子宜速消之海藻一斤用酒

五升浸數日少飲之

癩瘰無問有頭無頭宜貼用大蜘蛛五枚焙細研以
酥調如麵脂每日兩度貼之

癩瘰結核宜用灸法巴豆一枚去皮心艾葉一團如
雞子相和爛搗碎曝乾燃作炷灸瘰子上三壯
即止

風毒癩瘰赤腫痛硬用地菘一片搗如泥傳瘡上
乾帛易之以瘥為度

一切癩取鍊成松脂末填瘡孔令滿日三四度七日

瘡大驗

冬月凍瘡用烏雞子清調膩粉厚傅却剪猫復毛貼之且忌灌足俟脫即愈

僊靈脾用冷熱水浸軟貼惡瘡上生肉而易瘡浸酒服亦得但狂陽多服令人每子

真川百藥煎湯治賺瘡

黃蜀葵花自落者不犯手用筋夾入新餅中可治腫毒及瘡癰

七八月收自落蜀葵花八九月收自落茄子花二件

等分研碎以水調可醫瘡毒如癩背亦可用

皂子不蛀者燒作灰存性仍用明亮白礬煨通紅過

等分研細以針和作任子專醫瘡癰腫毒膿血不住者以此任子塞之瘡口自合

食塩能消癭

杏仁燒灰治頭瘡

治秃瘡以虎班木去麁焙乾為末入輕粉麻油調傳之一二次神效

治軟癰破而又結者牛齒燒灰入輕粉油調塗前瘡

黑猫頭燒灰酒調服治癰瘰

治凍脚瘡橄欖核燒存性為末入輕粉麻油調塗之

治疽瘡多羊螺螯殼燒灰用麻油調傳又曰糖一塊

燒灰用麻油調傳瘡上

南恩石蟹石蛇以醋磨漿消腫毒

瘡大出血不止用藕節泥作餅塞之

凍瘡煨生姜熱擦之即散

癩疽腫赤以赤小豆為末新汲水調傳稍乾頻易此

仁廟嘗用之方

凡有赤腫或疼痛處以赤小豆為末水調傳香白芷
尤緊

米醋調百草霜傳赤腫立愈

治癰瘰用山茶花蓋十餘枚焙乾碾為細末酒調下

又用老翁鬚一大把酒水各一椀濃煎服之

治癰百芣煎白礬少許各為細末以羊蹄根蘸上件

芣擦之又方午時取桃葉研汁傳之又方洗醬豆

片并雄雀糞研細水調傳

疔瘡用透明白膠香為末入輕粉少許糝之如乾用

麻油調

治癩背以巴蕉根爛研塗之

治久年惡瘡用多辛石灰研碎鷄子清調成塊煨過

候冷再為末姜汁調傳

治癩頭瘡先剝去鬢煎米泔水洗淨以臘月猪脂和

蚌粉傳之又禿者以粟蓬打出血赤用此茶傳之

即出髮

治金瘡并一切惡瘡用雲母粉傳之絕妙

蒲花代綿衲襪能治凍瘡

一云用楊絮

漆瘡以螃蟬黃塗之即可預燒蟬殼灰投之俟他時

用以麻油調傳

忽患赤腫用鬱金黃蘗研細水調傳又用牛皮膠濃

煎熬熱傳赤腫處自散

天台山風茱服之能消人項上瘤贅曾効

用紫蘇煎湯洗瘡即愈

去疣子法泰列蝦米不拘多少望月細嚼擦疣子上

稍痛即愈

有呪法在方術門

治脚腫樟腦為末和苦竹園中蚯蚓泥新汲水調傳

又法用生附子一箇不去皮臍為末生姜自然汁
調貼腫處神效

滅癩痕用鷹糞白研散以乳汁化之如傳粉然鷹糞
去黑取白楊大傳曾用有效不唯去癩痕亦令人
面光澤

寒水石飛過用水調傳瘡四緣中貼膏菜即口便潰
療陰生濕泡瘡石硫黃研如粉傳之
人血和風化石灰療金瘡
陰頭生瘡日草末蜜煎塗之

洗凍脚瘡醋湯乘熱洗又蒸藕細研貼之

治癬瘡以秃菜根用酸醋磨傳之次日即愈

癩疽一切毒瘡臘月乾桑葉為末以新汲水調塗如
有膿乾糝如在脚膝傳菜了用帛裹之

治膝瘡薑薈葉或用子搗汁塗之又用臘茶調麻油
塗

一切惡瘡以梅苧煨過入輕粉麻油調傳濕乾糝

一切惡癬并瘡用茄子花晒乾為末用油調塗濕乾
糝

癩疹入腹亦殺人蠶沙二錢水二盞煎一碗洗又搵
湯洗了以蓼子按傳之又枳殼剉煎湯洗之又牛
膝末酒調二三錢服又葶藶子末酒調服

夏月扒破成瘡以胡桃一箇燒灰入蛤粉白礬少許
研細油調塗之

癩癧已破羯羊糞焙乾為末用油調塗濕乾糝之
真龍骨黯色如鹿茸者為細末封瘡口便合甚佳
治鼻痔遠志去心為細末搗之

穀樹葉以外面有毛刺彈癬上彈時用帚清水出成

瘡結靨候乾剝去則光淨矣

治賺瘡蝟皮燒灰存性為細末入生油輕粉調傳又
方真川百菜煎輕粉糝尤妙

往年蓋湖二漆牙相爭其一人以漆一桶白頭澆其
一人患瘡幾死有人教以鐵店磨鐵槽中泥塗之
即愈

治腿上瘡滑石末傳之

治腿膝生瘡百膿者五倍子細研末糝之

治賺瘡乾胭脂輕粉各少許研令極細先以耳草濕

湯洗瘡片帛滾乾傳之深者填令滿以瘡為度又
血蝟研為末糝在瘡上以乾為度又地骨皮去麁
皮用竹刀刮粉焙乾為末傳又以隔年駐車丸碾
末傳如每新者亦可又羊糞不相粘者燒灰存性
為末輕粉傳之

臘日空心用蒸餅卷猪板脂食之不生瘡疥久服身
躰光滑

瘡疽癩背疥腮以赤小豆為細末用新汲水調傳瘡
及四傍赤腫處乾節再傳又背瘡以不耕之地遇

野人糞為蟲鳥所殘處節以杖去糞取其下土篩
去傳之節如冷水

癩背瘡疽只喫白煮蘿蔔不拘多少腫毒散為度
風毒瘡癩車螯殼頻蘸末醋灸令赤色碾為末温酒
調下

天南星生為末白礬研細二味為末用新汲水調塗乾
再上治瘡

癩雄黃一錢川烏一箇二味為末先用竹刀子刮破
用醋調傳

癩子大田螺并殼肉燒灰存性破者乾糝末破者生
油調傳又旱蓮草葉候痒時手抓破碎柳葉擦之
不可食又杏仁七粒去皮尖自嚼令爛於手心安
少膩粉帶津吐出急和膩粉擦之又草决明為末
入少輕粉拌勻先以物擦癬令微破以茶傳之又
羊蹄根同百菜煎一處搗傳之又甌內熟飴搗成
團擦治面上生者
治一切漏瘡惡瘡人牙燒存性入輕粉射香和勻濕
則乾糝乾用生油調傳

治軟癩閩茶盞搗末油調傳之又桑螵蛸燒灰存性
麻油傳又雀抱卵殼燒灰存性入輕粉麻油調傳
雞子清抱退殼亦得

治漆瘡以生雞子黃塗之

多年惡瘡不乾取瓜葉陰乾瓦上焙碾細貼瘡濕處
惡瘡破而血不止蝸牛殼肉燒存性入輕粉麻油調
傳

髭瘡用身垢塗之

治頭瘡雞子黃炒成油入輕粉塗之

治癩癧百部紫金藤為末三五錢射香酒下

治漆瘡蠟黃塗之又漆草乃小地錢是煎洗之即瘥

葉有碎瓣其面光可
以照人生卑濕處

治癩癧蘆根取皮為末老糟汁調塗之立效

治惡瘡以雞子清退殼燒入羊角灰并輕粉拌勻油

調傳之

治皮瘡用桐片燒存性入輕粉油調塗之

治贅方用大黃擦之自去

真琥珀末治金瘡

服丹人癩癧疽可用托裡散菘荳粉一兩乳香半兩

為末甘草湯點服

凡癩瘡瘡水膿出以真酥或臘脂頻潤其壓面自脫不

成癥

去贅五更用不語唾塗之數日即消

瘰癧

上音姐和反
下音補末反

陽氣者大怒則形氣絕而血菀於上使人薄厥傷筋

若汗不出使人偏枯汗出見濕乃生瘰癧

治瘰子苦練子為末入蚌粉滑石末研勻擦之甚妙

又雪水浸粟米次年取出日乾研細撲之又香薷
泡湯棄熱洗甚妙又茨菰葉陰乾末而塗之又以
滑石末傳之即愈又以棗葉乾為末和葛粉凜之
亦治熱疔又以新汲水或雪水椰青蒿汁調蛤粉
傳之又剪刀草汁調蛤粉傳之剪刀草即茨菰葉又用黃
瓜或瓜皮先爬擦次擦之然後用雪水所浸過拌
粉撲之

積聚

積氣方伏氣在心下結聚不散者桃奴三兩搗羅為

末空心溫酒調下

癥癖方凡腹滿癖硬如石積年不損者取白楊東南
拔去青皮細剉三斤熬令黃絹袋盛酒一斗浸蜜
封三五日每食前燒下一小盞服之

久積癥癖不瘥漸至羸弱者取雄雞一隻飼之令肥
肥後却餓一日以好硃砂一兩研令細拌飼雞雞
着板上養收取糞曝乾杵羅為末每服食前溫酒
調下一錢

辛暴癥腹中有物如石痛如刀刺者用商陸根不限

多少坐擣蒸之以新布裹熨痛冷即換之

酒癖痰吐不止兩脇痛脹用菰蘆一兩神麴末半兩

微炒擣羅為散每服以葱白酒調下二錢

食癥以青川棗兩枚去核每箇入膩粉一錢以白麴

裹燒麴熟即去麴空心以棗爛嚼煖水下之即瀉

下癥塊

會食鱠不消搗馬鞭草汁一大盞煎五七沸分作二

服一盞即消又服生姜汁亦消

隔氣

隔氣咽喉噎塞食飯不下以碓甯上細糠蜜丸如彈

子大時復含一丸細嚼津

一切氣痛延胡索不拘多少每服二錢熱酒調下甚

者不過再服

胃中噎塞用寡婦梳一枚燒灰煎鑰匙湯下即寬冷

痰飲惡心用葦撚一兩擣羅為末每於食前用清

粥飲調下半錢

瘡疾

勞瘡時久不斷用瓜蒂二大枚擣碎以水一小盞浸

一宿取汁欲癸前頓服吐之即効又方桃花焙乾
一兩擣羅為末食前以水調服二錢日二服又方
八月上寅日採取麻黃乾擣羅為末每食前以溫
湯調下一錢又方燕子糞一合研作末候癸日平
且以酒半椀浸攪起令患人兩手把當鼻下嗅取
氣便不癸神驗癢後未得飲水

一切瘡疾大天南星一枚以濕紙裹數重用慢火煨
熱透去紙切作薄片子更以大棗十箇水兩盞同
煎至一盞作一服天方用好高良姜剉碎欲炒好

川白姜炮剉二味各碾為極細末各平等分再入
乳鉢內一處研勻又細羅過病深三大錢末病淺
者三小錢末於當癸日一未出時以豮猪膽二枚
取汁調菜再用熱酒少許打勻通口猛作一口嚥
下更以酒少許趁急嗽口以甜物壓之一日不得
喫別菜仍忌冷物豮猪是雄猪去
外腎者雌不宜

腫疾

治腫方十腫水氤澤漆一十斤於夏間採取嫩葉入
酒一斗研取汁約二斗於銀鍋內以慢火熬如稀

錫節止於甕器內收每日空心以溫酒調下一茶匙以愈為度

水氣遍身浮腫氣促坐卧不得者牽牛子二兩微炒搗羅為末以烏牛屎一升浸一宿平旦入葱白一握煎至十餘沸去粗空腹分為二服水從小便利大腹水腫葫蘆子二兩微炒搗羅為末不計時候以粥飲調下二錢

黃疸

黃疸心膈躁熱水便赤澁茅根二握細切猪肉半斤

細切先以水三大盞煎茅根至二盞去滓入肉合作羹盡一服愈

黃疸耳目悉黃食餘不消者煎煉猪脂五兩每服抄大半匙以葱白湯調頻一服之以通利為度黑疸方多死宜急治生土瓜根一斤搗絞取汁六合頓服當有黃水隨小便出如未出前便服治酒疸田螺七枚水養去泥土搗碎取螺頭細剉以熱酒浸服治酒黃田螺煮服立效又香附子去毛為末不拘時候茶調下或生嚼下

又水煮香附陳皮甘草少焙去陳皮甘草沸湯點服

諸勞

勞有五一日志勞二日思勞三日心勞四日憂勞五

日瘦勞志思心憂其主皆在心宜服定志丸鎮心

丹降心丹妙香散烏沉湯參苓白朮散人參黃芪

散瘦勞乃虛損已甚宜服鹿茸丸黑錫丸正元丹

椒附丸大補丸沉香鱉甲散

虛勞煩渴者用羊頭髓如鷄子大溫酒調服

骨蒸勞煩渴用青蒿三秤淨洗候乾以水一升煎令

液後入葛一秤煎令黃色熟鹿出又入一秤煮如
此遍盡用生布絞壓汁在前者湯內細濾過熬將
調換砂鍋內熬以竹筴攪不得令歇手候成膏以
淨磁器貯之如患輕者只用此膏酒調下一錢食
後服更用青蒿煎酒尤佳若病重者更用自然銅
先搥碎入鉢子內炒令每鬼焰止取鋪地上盆覆
出火毒一日乳鉢研碎膏為丸如彈子煎青蒿酒
化下被臥取汗出為効此藥有神驗

博聞類纂卷第六

[Faint bleed-through text from the reverse side of the page]

博聞類纂卷第七

會稽商 濬景哲校輯

鈕承芳汝實

陳汝元起侯同校

醫藥三

頭目

風赤眼凡赤眼用鸞爪黃連五六莖古錢一箇各淨

洗大棗一枚皮不破者同煎半盞水取三分去二為度

去黃連及錢只留棗浸藥中候冷只取棗滴藥點

眼中頻頻用之立効其藥怕塵

風赤眼以地龍十條炙乾擣羅細為末夜臨臥時以冷茶調下一錢服之

暴赤眼疼痛者取薺菜根擣絞取汁點眼中

眼赤爛開不得者取馬牙硝一兩內於猪膽中懸於霜露中旋旋掠取上面霜點眼或入豨仁黃連末少許點之極妙効

服丹石攻眼赤腫者以生地黃汁澄清用磁合子盛頻頻點之

遠年風赤眼者取長明燈蓋內油少許以一箇青銅錢於乳鉢內細細磨之令油凝在鉢底却以艾如鷄子大燒烟微微薰之夜臥時用銅筋點少許神効

治眼青盲方取猪膽五枚取汁於銅器中慢火煎令可圓卽丸如黍米大內眼中有驗

治眼生花及翳者以刀割指甲屑滴翳上卽止

眼中努肉赤脉貫瞳人者用雄雀糞細研以乳汁調

頻點卽消目上膜及青盲亦可用此方又方用杏仁二七枚去

皮尖生嚼吐於掌中承暖綿纏筋頭點努肉上不
過三四度瘥

五臟積熱衝眼乾澁難開者取熟羊眼睛日珠子以
堅細石磨如膏每取麻子大點日日夜各兩度不
過三五日瘥

眼血灌瞳人者以生地黄汁每服温一小盞頻服以
瘥爲度

風頭疼用川烏頭一兩擣細羅以醋調如膏塗於頂
上腦角太陰穴風府之上須臾痛止又方以苦葫

蘆子擣細羅吹半匙於鼻中其痛立止逐左右用
之又方臘茶少許入煨葱白三寸梅霜少許沸湯
點服又方辣蘿蔔取其汁左痛右鼻搗之右則反
是

夾腦風頭痛皂角無蟲者燒灰存性爲末入射香少
許每服一錢葱酒調下

大病後虛頭風四柱散煎熱時入好臘茶一錢服之
治頭暈頭疼附子炮去皮臍碾爲細末每服臘茶半
錢附子末一錢湯點食後服

治頭疼不可忍者用草烏一枚去心尖以韭汁調爲丸每服白飲下六七丸卽止又方蒜一箇去皮研取自然汁令病人仰臥垂頭以銅筋點少許滴入鼻中急令人腦眼中淚出瘥

頭偏痛用蓖麻子一兩去皮爛研碎取汁痛處塗偏正頭疼夾腦風用地龍去土焙乾一分乳香半兩別研爲細末每用半錢以紙一條糝藥左上撚作紙撚不蘸油香爐上燒烟薰鼻內

治病瘡臉生風粟其色不定或青或黃或赤磨癢睛

珠滋痛難忍取厨下常用木杓以刀刮其唇遇有砂取去一兩粒所患隨乎卽安殆不可曉其理也

治肺風面上生瘡用枇杷葉布擦去毛炙乾爲細末

食後茶調下二錢

醫言今人脆弱患赤眼口瘡舊皆用清涼藥今多不可用而服鎮墜藥往往輒効

治風赤眼取車前草洗淨搗爛攤向眼上帛繫之時頃卽瘥

棗木根橫長三尺橫放飯甑上蒸令頭有水以物接

藥之取塗髮自然長

鵝鵝取其目睛和人乳研滴眼中能見烟霄外事

治暴赤眼四物湯四錢入水一盞酒半盞煎至八分

服之

治風赤眼用兩指捻定患人耳輪取最上夫角麥粒

大艾炷灸三壯如艾爆鄉音即効

糖霜泡湯大治眼昏澁

洗赤眼採凍青葉洗淨入鹽少許濃煎乘熱洗之

以蜜友花潰油澤髮甚佳

患赤眼切不可多服洗心散疾雖愈而睛粘

一士人幼年好燈下編寫文字及壯兩目昏澁累醫

不驗或語之野菊花極佳可作枕遂用其法至老

而日明

凡患眼不可多服涼藥久必患泄痢能喪生

凡患赤眼不可入浴室則生翳膜失明

暴赤眼以自小便洗眼效

眼膜翳久年不散每日三次以舌舐其膜漸下緣人

真氣使然

洗面用絲瓜大去垢膩

治目疾黑錫丸以清心牛黃丸為衣服之

治赤眼目以消風散熱酒服又須忌房事不然今人患内障

治偏頭疾乳香地龍為細末各少許燒薰鼻

凡病赤眼以調水大黃末搽脚心一夕即愈

治赤眼用水浸黑豆至夜連皮研細盪眼睡一說用

豆腐貼睡亦佳○又方用馬牙硝泡湯洗之

治風眼疼漢防己為細末用茶酒調下

治赤眼玄胡索為細末右赤左搗左赤右搗

眼珠垂外惡用新水潮洗再換再洗自然收上為熱

極故也

赤眼用生蜜點之即愈生姜汁亦得

側柏入少水爛研取漿用塗髮勝如油

以竹筒一枚長五寸削其頭銳插在芭蕉樹中一時

取出水已滿用以刷髮甚滋潤

乾人糞用火煨過碾為細末入射香少許和勻於禿

處擦之便生髮仍先次去頭油

或物入眼及蟲入眼濃研好墨點眼自去

凡涉長途及當風行晚必以鈇石之器貯沸湯候通
手洗目可無目疾蓋沸湯以散其血或有目疾斷
不可用藥點亦不可以冷物扇久必爲害

治髮薄欲多金星草根浸油塗頭其葉如鳳尾背有
金星常在於幽陰殿宇之後號曰金星鳳尾草

椰子漿用刷頭甚佳

治爛風眼百藥煎研細沸湯泡澄清汁熬作稀膏入
少輕粉先用鹽湯洗塗上

赤眼以四物湯加熟大黃一塊如粟子大同煎食後

服

明目車前草自然汁調朴硝末臨睡塗眼胞上來早
洗去

他物傷睛痛不可忍者黃牛尿少許點之立効

獺皮擦眼能去眼中塵枕頭能治赤日以爪爬喉間

治骨鯁

瘡疹入眼不得食栗子并鵝鴨肉却自合消風散每

一錢用一錢南康蚌粉茶清調下

赤眼後暴翳用鵝不食草塞鼻○又獨生鼓槌草頭

以綿裹塞鼻

風毒上攻兩眼赤腫隱澁取乾姜淨洗咬咀每用二錢以薄綿繫裹湯沸泡乘熱洗之如冷再盪更洗洗風赤爛眩眼五焙子槌碎去蛀末蔓荊子揀淨二味煎湯洗

指爪破面生姜自然汁調輕粉傳之更無痕瑕粉刺以白礬末酒調塗之

去眼中翳膜取蠶螬蟲冬月反行者灸而食之驗治頭瘡淡豆豉燒存性爲末入輕粉麻油調抹

風赤眼四生散鹽酒調下

熱爐灰用湯浸澄清洗面治爪破

頭疼以生蘿蔔汁用筆管吹入鼻即愈

治頭暈頭疼附子炮去皮臍碾爲細末每服一錢臘茶半錢湯點食後服

酒渣鼻者時擗馬兜鈴聞之氣歇則易之

打面有青黯飲蘇木酒即消○又方以臭渠中瓦淨洗安右打處即消歇項後用少腦子擦

面藥取茱利花乾爲末入藥內經歲香不歇

治諸患眼疫夜含蘿蔔一片數次易之收諸毒氣
滅癩痕溪中有石如鷄子大面光采者名曰龍窠石
用之磨面癩痕自滅

治耳聾大北珠新者以綿裹塞耳○又方用川烏頭
一味生爲細末以新綿裹塞耳內三日而愈○又
方用杏仁炒黑研成膏以綿裹塞耳中○又方巴
豆去皮殼煎蠟爲衣塞耳中每用一粒兩耳交替
用藥三日一換○又方用透米丹溫鹽湯調十數
丸五更服之

治凍耳用箬盤燒灰湯調洗之

治暴聾耳遂甘草各少許剉碎各以小塊分塞耳竅
中良久卽愈二藥不拘左右耳○又方用黃臘和
茯苓嚼之

治瘧耳青橘皮燒灰研爲末用綿裹如鷄頭子大塞

耳中日三四易○又方用鷄腸草研汁滴耳中

耳中出膿枯礬胭脂等分爲末吹入耳中

耳內疼不忍草烏削如棗核大蘸姜汁塞耳

耳瘡腫痛五倍子末水調塗如有水乾糝之

飛絲入人眼冷人睛漲白突出痛不可忍卽以新筆
二三管濡好墨連睛上則飛絲纏筆而出卽安
治氣聾耳用甘遂塞耳以甘草煎酒嗽口卽氣通○
又方取胭脂調塗之○又方取大麻子燒灰細研
用井花水調塗之○又方以地龍三條鹽少許以
二味貯在葱葉中自化爲水用滴耳中三五日瘥
○又方以鵝膏一合旋用少許滴耳中瘥
久年耳聾取鼠膽令人側臥瀝一膽盡入耳中須臾
膽汁透下初益聾半日乃可三十年者亦瘥○又

方以地龍末吹入耳中○又方以蒲黃末吹入耳
中

治內瘡蒼朮米泔水浸透竹刃薄切曬乾爲末用熟
豬肝煎食一月日見効斷房色

麋角槲水磨塗面光華不皺

鉛盆洗面可以去黥仍光澤

治小兒頭虱杜當歸爲末糝髮內

面藥七月七日取烏鷄血和三月桃花末塗面及身
三二日後光白如素

甄砌間忽然沫出名為地脂塗白皴皮頓改如少年
面色

以芥泥盥面則色愈明潤終不枯槁

蒺藜蟲不蛀最毒損眼蒿苣亦然招箭班不許入賣
恐昏眼也

烏髭

穀樹皮磨黑可以染髭

烏髭鬚以生鐵屑細末餘甘子汁調塗極効

碎墨一層黃蜀葵花一層用錫盒埋地以馬糞蓋之

經月乃用燃髭上

用竹夾取桑椹墜地者不計多少入古鐵錢五文金

線綠礬五分和勻入小瓶盛之二七日俱化為水

遇夜蘸燃髭上

凡髭髮白用天門冬一斤去心焙熟乾地黃一斤二

件研為細末煉蜜和搗五七百杵丸如梧桐子大

每日食前以米飲下三十九忌生葱及蘿蔔

染鬚方取八九月經霜桐葉兼子多收搗碎蒸之以

生布絞取元汁洗之一月十度末黑不變○又方

黃丹三十兩內入磁瓶中以泥封固四面厚一寸
放乾以馬糞火養一百日出之細研爲末以棗瓤
和丸如鷄頭實大每夜含一丸六十日黑矣

治禿髮頭生白屑以桑柴灰汁洗頭甚佳
白禿用黑豆髑髏骨等分並燒爲灰細研以臘月猪
脂和塗之瘡

髮滯不解以麥麩糝髮上久而燥易梳

脾胃 附心

脾胃弱不思飲食者湯散不宜多用茯苓

七氣湯治脾疼治中湯治腰痛屢驗

治脾疼用梨花木末三四錢煎湯服之效甚

治心脾痛以泡過附子數片同五積散煎服

治脾痛真蚌粉研細發時百沸湯點二錢○又方麻

油一盞水一盞共煎一盞熱服○又方治心脾疼

不可忍者木香一錢胡椒半錢爲末熱酒調下○

又一法石灰炒熟沸湯調服立愈

治翻胃胡孫姜以竹刀削去毛切作片子九蒸九炮

晒乾碾爲末米飲調下二錢空心數服卽止

治心脾疼高良姜細剉微炒爲末米飲調二錢甚者
不過再服

心脾痛以桂心爲末白湯點服酒煎尤好○又當歸
良姜爲末煎服

治多年心脾疼用木香丸三五丸作一服十服即
愈

心腎

心痛五靈脂不計多少爲末用一錢以酒醋各一茶
脚許同熬如稠錫別以好酒調下立止

心痛將死以乾漆爲末每用一錢入水一盞煎至半
盞次入醋半盞調勻頓服之

心痛灸法每盛發時於足心亂紋中以麥粒大艾炷
灸三壯男左女右

婦人心痛荔枝核燒灰存性爲末温淡醋調下○又
方良姜不拘多少用木杵臼搗末只羅取細者去
麤者以久陳米入酒醋和水煮令爛於沙盆內研
成膏取出和煎件末再入臼內杵二三十杵爲丸
丈夫橘皮生姜湯女人醋湯當歸湯下三十九

卒心腹脹短氣欲死或已絕者桂二兩剉水一椀煎
頓服○又方以布裹鹽如彈子大燒令赤置一盞
酒中化服得利卽止

治心虛健忘當用遠志一兩下酉日置衣中常佩令
人不忘

行路卒心痛無藥取橘皮去白炙少許煎飲之甚良
龍骨虎骨遠志各一分搗爲末服方寸匕三月便
知未來事

治心痛鬼辛病以重五日午時有雨急斫一竿竹竹

節中有神水瀝取和獺肝爲丸服之

卒暴氣刺心痛蘇合香丸用生姜自然汁浸少湯調
服卽愈

治心氣不足健忘詩云桂遠人巴四天昌地亦同茯
苓加一倍日誦萬言通官桂遠志人參巴戟天昌
蒲地骨皮

暴心痛用五靈脂二錢乾姜一片爲末熟酒調下

治小腸氣煎五苓散入少許燈心下青木香丸一百
粒

治白濁以五苓散下苗香丸○又方以五苓散下八
味丸

灸小腸氣於脚中指下中筋橫紋上灸三壯

小便不通磨剪刀交根水一盞服即通

治血淋疼痛不可忍者以老媪頭上多年油水梳取

燒灰入少射香調服

縮小便炒糯米碾爲細末空心服之

治淋痛欲死者朴硝細末冷水調下二錢立效

治精竭出血麥麩炒香煎肥猪肉蘸而食之

患脚心如箭中發作不時此腎之風毒瀉腎即愈

外腎發赤腫以金橘核加上苗香等分炒香碾爲細

末空心酒調下須多飲則酒力易至患處却用木

鱉肉研如泥塗之立効久患者頻用之如偏墜左

患者用雄白鷄右翼下細毛及木鱉肉右邊者同

研爲細泥塗如右患者却用左邊者仍須服橘核

苗香酒如無金橘卽以它橘核亦得

治白濁百藥所不能治者用沒藥一錢細研爲末酒

調臨臥服食核桃穰一枚次夜只食核桃穰一枚

一月而止大有驗○又方服心藥不効宜以四君子湯加少荊芥服之蓋治脾也

思村王氏之子生七日兩腎縮一醫者云硫黃菜萸研大蒜傳其臍腹以茵草蛇床子薰之遂愈蓋初生受冷氣而然也

事已不卽浣滌生蟲著肉痒甚搔之至層則煎苦杖湯洗之乃止

治夢泄若推嚼喫則愈○又方夢泄白濁者平胃散煎熟入少龍骨末空心服○又方蓮肉去心并白

茯苓等分爲末白湯調空心服○又方只服駐景丸大効○又方以木饅頭新瓦上煨存性爲末空心米飲調惟向陽石上生及經霜爲佳○又治白濁愈山人鎮心丹食空心以溫酒下三十九丸甚小便出血宜進薄荷蜜湯

治便血取竹籬下根斷入土多年者不拘多少水洗淨煎湯併服數椀立止

小便梗澀用四物湯加刮竹青煎服

治淋用白礬爲細末填於臍中滴以井水通卽去之

○又方以螺贏窠泡湯飲之

治五淋以多年木梳燒存性空心冷酒調下男用男
梳女用女梳

沙石淋極痛者每浮石研為細末每一錢熱酒下

治淋鷹爪黃連細者去鬚剉細和蒜爛研如桐子大

熱水下三十九

治淋木通甘草二味煎服

東坡云若小便濁大便滑百藥不瘥取倒粘子嫩葉
蒸之焙燥為末以酒糊丸日百餘粒二便皆平復

東坡云若小便濁大便滑百藥不瘥取倒粘子嫩葉

蒸之焙燥為末以酒糊丸日百餘粒二便皆平復

夜起便溺須開目運睛周視終身可無眼疾

右偏墜者每早煎香蘇飲入少塩服之數服即愈
陰瘡臘茶五倍子等分膩粉少許傳之

止夜起益智二十箇和皮剉碎用水一碗煎六分臨

熱服○又胡桃慢火炮熟卧温酒同嚼下

小便不通五苓散加滑石末木通燈心煎湯調下○

又塞塩臍心艾灸塩上○又琥珀末三錢燈心木

通煎調下

小便出血茄根煎湯飲之多煎頻服爲上
小腸氣用曾經煨金銀甘鍋子槌碎碾了研令極細
每服二錢熱酒調下○又海水團用炭火燒存性
灰酒調下如無烏賊腸亦可
陰汗蜜陀僧研令極細撲之
陰瘡胭脂菘豆粉同研勻傅之
大小便關格不通用無蚰皂莢燒灰細研以粥飲調
下三錢立通

大便不通用瓜蒂五枚搗羅爲末以綿裹內下部中
卽通○又方皂莢二挺去黑皮微炙黃搗羅爲末
煉蜜和丸如梧桐子大每丸空心以溫水調下三
十九丸米飲下亦得且不損氣○又方以鹽實於臍
內包之通則解去老人臟腑不通以黃芪人參粗
末濃煎湯服之

小便不通車前草汁五合冬瓜二合相和分爲二服
食前服之○又方綿黃芪爲末水二盞藥二大錢
煎至一盞溫服小兒以藏數加減服○又方以麻

皮一握細剉入甘草少許同煎服立通○又方烏
梅肉爲末水調二錢神效小兒通用
石淋取滑石以水一小盞濃磨服之○又方用鱉甲
燒爲灰細研每於食前以溫酒調下一錢當下石
出
氣淋用鹽和豉擣作餅子填在臍中向鹽上灸二七
壯瘥○又方用晚蚕蛾研爲末食前熱酒調二錢
大服
冷淋莖中急痛檳樹皮葉搗節爲散每服三錢以水

木一盞入葱白七寸煎至六分去滓食前溫服
淋瀝小便痛澁以錢三百文用水五升煮取三升去
錢每於食前適寒溫飲一小盞○又方紫草一兩
剉擣羅爲末每於食前井花水調下二錢
小腸氣方腹脹小便不得鷄子一枚敲破取黃以溫
水調服之不過三錢○又方鹽半斤熬令熱以囊
盛熨小腹須臾熱徹便通白偏墜者每早煎香蘇
飲入少鹽服之數服卽愈○又方煮桑白皮洗之
○又方吳茱萸三合用水三升煮三五沸以洗之

諸瘡亦治甚效

久患陰痒以黑牽牛二錢細研末空心拌素熟麩一
椀喫立効

陰腫取伏龍肝以鷄子白和傅之

陰頭生瘡甘草末蜜煎塗之

小腸氣以石蠆燂酒六七次熱服之愈

外腎痛硬小腸氣痛不可忍者用橘核不拘多少爲

末每用二錢温酒調下

木子方卽小腸氣銀杏葉二把葱三根花椒一撮煎

湯燂陰脬湯冷卽洗陰子三次漸減

腰腎痛石斛一兩麝香三厘羊肉拌酒下卧汁愈

小便不禁白微白歛白芍藥各一兩擣羅爲末食前

粥飲下二錢

尿血不止蒲黃嚼金各二兩擣羅爲末食前粥飲調

下二錢

遺尿不禁用小豆葉搗取汁空腹温服一小盞

口齒

定州磁器爲屑楷齒去口氣

牙藥用稻糠皮米飲漉成團再入炭火煨之其白如雪却入香藥細辛用之

蟲牙疼用艾梗燃火焯患處三五次則止

治牙疼多年石灰十分碎擦牙用消風散嗽之

齒中出血煎淡竹葉湯頻嗽之

瀝青碾為細末擦牙堅牢

治牙疼天麻煎烏犀膏等分和勻擦之立愈

治舌腫痛蒲黃真者糝之立効

治口齒瘡砂糖一塊吞化即愈

薰牙蟲用牛膏韭菜子為末先用一椀盛水一小盞

覆椀內以瓦一小片安盞足上燒藥末用竹作一

筒紙糊將筒覆烟上却啖吸竹管其蟲悉下

治口瘡用五疳保童丸臨睡水化傳之

口唇生熱瘡以水調茱萸末糝搽脚心一夕即愈

治口瘡呵子黃蘗燒灰存性入輕粉射香糝之嚥亦

不妨

治牙蟲用巴豆燈心上燒存性用荊芥梔子點些少

入孔內立効○又方用薄竒爛嚼貼痛處○又方

荆芥木耳煎湯濃漱

治牙疼以瓦松洗淨濃煎湯微漱之

治牙疼大蝦蟆以手捻其眉間有白乳出名曰蟾酥

用竹瓦子刮之插於壁上候乾用擦牙甚妙

治時疫用大蝦蟆一箇雄黃五錢搗爛極細酒服愈

治口瘡以朴硝含之

治口氣及罌齒腫痛細辛濃煎汁熱嗽冷則吐之○

又杵乾甜瓜子末蜜丸每旦含一丸如棗核兼傳

齒

治口瘡以白枯礬二錢硃砂一錢同研極細乾糝小

兒用生礬爲末水調攤紙上貼脚心才貼再以水

濕之

治牙腫痛紅豆碾爲細末揩抹之又以末子泡湯盥

漱之

治口舌生瘡杏仁七箇去皮尖輕粉少許同嚼吐去

涎卽愈

炒槐花治舌衄舌上出血真蒲黃治舌腫並乾糝之屢驗

治口瘡醋調天南星末塗脚心或茱萸末塗之亦可

治男左女右○又方五倍子爲末糝瘡上○又方蜜
陀僧研細以生蜜丸如彈子大含化之
茵陳以瀝青末入少細辛搯之
甘菊花乾爲末搯牙以冷水嗽之
風蛀牙痛絲瓜兒俗呼爲天羅燒灰存性爲末擦之
牙痛芫花爲末擦痛處令熱
牙疼赤土荆芥同末搯之荆芥湯漱
口氣香白芷七錢甘草五寸爲末食後井花水調下
一錢

口瘡野薔薇根洗淨濃煎候冷漱灌吐出不須嚥
治口瘡原无蠶蛾爲末傳之

重舌五靈脂一兩去砂石爲末用米醋一大椀同煎
逐旋漱之

治口氣白礬枯爲末入射香青鹽各少許搯了吐少
涎○又含川芎少許亦佳

重舌看有蟲以針挑之取出蟲卽痊
唇上生瘤以針刀破之則殺人唇屬脾豈可傷動引
風而致不救

治木舌以半夏醋煎灌漱吐出即瘥

口瘡牙痛華陰細辛根極辣者為末傳之○又方用一味醞醋漱之○又方以好墨塗之

食動風物覺口唇微麻以甘草熬成膏入少蜜塗其

唇

牙疼用丁香皮不拘多少為細末搯疼處湯漱立効

○又方細辛末一兩地龍四分為末入射香少許搯痛處○又方用附子尖一分胡椒半錢細辛一字為末搯患處良久以鹽湯漱去勿嚥○又方草

撥炮熱咬患處○又方乳香咬患處○又野元荳

略燃塞鼻中

牙疳燒乾筆為細末入鹽搯之極効

齒斷出血白礬一兩燒研為末每用半錢傳齒根下口鼻出血不止名腦衄灸上星五十壯穴在鼻上入髮際一寸

唇上生瘡取東壁上土細研傳之○又方口銜黃蘗皮自然汁立愈

舌上出血燒亂髮灰水服一錢亦治吐血○又方豉

一合水一椀煮數沸溫服一盞亦治下血○又小
豆一合爲末水三盞和攪汁飲之○又地黄一兩
膠半兩炒爲末湯下三錢日三服炒槐花治鼻衄
真蒲黃治舌腫並乾糝之屢驗
舌卒腫起如吹炮滿口塞喉須臾不治殺人以指刮
破舌兩邊皮或刀決破用釜下墨煤和鹽塗舌上
用酒調下亦得

博聞類纂卷第七終

博聞類纂卷第八

會稽商 濬景哲校輯

鈕承芳汝實

陳汝元起侯同校

醫藥四

咽喉

凡喉閉未有藥先用漆筋燒令有烟含口中不得出
氣候烟入喉發漱卽破然後次用別藥
喉閉不開及纏喉風欲死者用白彊蚕爲末以生姜

自然汁調半錢灌下立開
喉咽閉塞不通須臾欲死者馬藷子四十九箇搗羅
爲末以水調納之立愈

喉閉巴豆一箇去皮尖火灸熟用紙裹塞鼻

喉閉纏喉風蛇退皮燒作灰每用一錢以竹筒子吹

入喉內

咽喉卒腫食不下白頸地龍二七枚爛研塗於喉外
以帛繫之○又方韭一把搗羅熬熟貼項下喉上
冷卽換之又含好醋亦治

嗽哮喘者須匍匐作蟒行取生苦蕒菜食之卽愈

治喉閉朴硝細末用蘆管吹入喉中立効

治喘真血蝎少許爲細末湯調飲之

治喉閉以雄黃磨水半盞飲之

治喉閉白梅肉一片包生白礬末少許作團納喉中

咽喉腫語聲不出用鵬砂研細竹筒吹入喉內痛自
定

治懸喙卒腫砲砂半錢綿裹含嚥津卽瘥

治喉閉男左女右肘上灸三壯或割開見血而灸之

尤效

如熱極覺喉閉之類用枯礬末糝之喉中卽愈
有病喉腫且患河魚之疾一良醫曾以紫雪裏理中丸
服之二疾皆愈蓋紫雪入喉卽化而理中丸入腹
卽溫故也

治聲不出江茶如常點入生麻油三滴熱喫臨睡喫
尤佳

咽喉氣不來急以冷水灌之立愈
咽喉腫痛生甘草生白礬等分爲末每服半錢入口

中嚥下亦治喉閉

治失音槐花新瓦上炒香熟三更後床上仰卧隨意
食之亦治咯血

治纏喉風皂莢揉水瀉過灌之卽吐涎立效

治喉閉用真膽礬末糝喉中

治喉閉端午取一蜒蚰置白梅上不拘多少化水將
梅去核晒乾爲末疾作糝少許入喉立愈

治懸喙垂長咽中妨悶以白礬於新瓦上飛過同炒
鹽等分爲細末用銅簪啣蘸點之

咽喉腫痛地龍去泥以白梅肉同杵為膏丸如彈子
大綿裹含化清水嚥之

治咽喉生蘿蔔切作片冬月臨臥時喫三兩片可無
此患

如患口瘡及咽喉痛只飲姜酒一二盃即愈

咽喉閉者以焰硝末入筆管吹喉中立通亦治咽痛
咽喉痛含化糖霜即愈

治不出聲馬屁李百藥煎和少砂糖研成膏如圓眼
大含一宿

治咽喉危急者用三黃九十粒新汲水灌之

治纏喉風以麻油調白礬末及鷄子清和之灌下得

吐即愈○又方用透明雄黃為細末鷄子清調灌

之○又方用商陸根切作薄片新汲水洗浸之時

以一片貼咽喉下熱則易之○又方詩曰急喉喉

閉最堪憂只用承燈燈盞油甚者不過三五呷此

方原是聖人留

魚鯁

魚骨鯁取東流水一盞三吸日氣吹水中飲之自下

○又方用金毛狗脊去盡毛切作片子湯浸含之
卽下

治魚骨鯁籬竹根挿地朽爛者取起去皮只用肉研
細生蜜爲丸如龍眼大每服一丸綿裹含骨自消
化○又方用象牙末入砂糖丸如鷄頭實大每服
一丸吞化燕津立効
人遭骨鯁甚者以好炭皮淨洗搗爲細末以米飲服
之立愈

治骨鯁白芍藥細切爛嚼嚥之立消

魚骨在腹刺痛象牙一錢用葱酒調下

治骨鯁螺青馬牙硝二味等分爲末水調先漱數口

後嚥一口如此數次卽消○又方穀樹子隔年者
以手撚一二枚爲末沸湯浸服之

竹木之類物鯁喉中貫衆杵末煎湯呷之立下

魚骨鯁取大粟殼燒灰細研熟水調下

魚骨在喉痛者用舊魚網一小片燒灰研細煎乳香

湯調下甚者併作三兩服

治骨鯁得真桐楨栢皮含之大驗○又化南鵬沙含

化○又方羊脰炭碾爲細末米飲調下○又方橄欖食之如無用核碾爲細末以急流水調服○又以所食魚骨密置患人頂上勿令知食久卽下他魚骨亦可○又方鯁時以見所食筋急倒轉夾菜物等食訖魚鯁自下勿令人知○又方用鳧茨肉生搗碎入狗涎少許以綿裹含化喉有鷄骨鯁者用之有效○又方用穀樹子泡湯嚥下骨自然消若誤吞魚骨刺鯁煎煮桃子湯服○又方砂糖和刮牙屑丸如彈大含化○又方用陳橘皮米和砂糖

爲丸如前法

治骨鯁五倍子碾爲細末糝於咽喉中卽消

鼻衄

凡鼻衄用苔蘚納鼻中立止○又方用好墨點筆塞鼻竅立効蓋血見墨則止一說以醋磨墨將車前草蘸塞之○又方用蒲黃一味水調下○又方大蘇根相思子等分一錢水一盞煎七分溫服有此疾者夜常服之如無續斷可代

治鼻衄生姜皮研取汁以綿或絹蘸汁塞鼻孔內○

又方自刮指爪屑搗之○又方赤芍藥一錢新水調下

咯紅鼻衄時復發者黃芩六兩甘草半兩為末米湯點服久服則去病根加人參一兩半尤妙

治吐血以藕節為末入炒蒲黃血餘灰等分水調服之蓋夢中得此方神效

鼻衄蘿蔔取汁灌少許入鼻內即瘥

如苦鼻衄以藕節取汁服之或滴入鼻中○又方茅根或花濃煎湯服之即止○又一法用竈門上黃

泥為末米飲調下服立效○又一法用麻油紙燃一枚納鼻中頃之即止○又方夜明沙本村人號為爛柴精為末二錢熱酒調下○又方飛羅麩二錢鹽一錢新水調下○又方百草霜細研用搗之○又方冷水嚼蘇合香丸○又方四方湯和側柏煎服○又灸髮際一穴五七壯麥粒大○又燒頭髮為末或龍骨煨過為末各以鼻吸之○又五倍子碾為末新綿燒灰二味等分米飲下○又石榴花塞鼻中○又舊麻油燈盞湯煮百沸逐枚澆出

合在頂心用物繫定冷卽易之少時卽佳○又以
真透明阿膠一片如小指大貼眉心上○又方用
人中白燒去穢氣研細入射香少許吹入鼻中○
又方白芨爲末用雪水調如無以新汲水調自兩
眉際傳至鼻上以編子緊勒額頭時挹冷水着藥
上飢頃卽止去藥

左鼻出血以繩繫右足七里穴則止○又頭髮燒灰
炒蒲黃少許爲末以入鼻內或糯米飲下
止鼻衄用馬糞瓦上焙乾爲末入射少許搗之立愈

○又蘿蔔汁生服半盞許○又法用紙蘸水貼水
上○又法於鼻凹中灸二壯丸如麥粒大○又法
浮萍草一籃埋兩足卽止

若鼻衄不止洗面時復衄者香附子去毛茄花湯點
服茄根亦得不拘時候○一方只用編子緊繫頭
以紙扱令緊編子卽今掠頭頭繩也○又濃研墨
以葱白蘸塞鼻中○又葱白一握搗取汁入酒少
許滴鼻中

鼻衄終日不止者以故屏風紙燒灰爲末以温酒調

下一錢立止

鼻久血不止以烏賊魚骨搗羅爲末少許吹入鼻中
卽止如未止更入少許又乾浮萍草末吹入鼻中
立止

嘔吐

治熱吐臘茶末一錢生腦子少許研勻百沸湯點服

治霍亂吐瀉轉筋大蒜研炒熟傅脚心瘡

治吐瀉井花水調蘇合香丸

治霍亂吐瀉白湯浸冷水爲陰陽湯飲之

治嘔血只服理中湯

治吐血用童子小便調花蓋石散服之○又方松烟

墨汁服之卽愈

諸霍亂方凡霍亂吐瀉以厚朴去分鹿皮塗生姜汁灸
今香熟搗羅爲散以新水調下二錢

乾霍亂不吐不利胸膈煩渴心腹脹痛者鹽二錢亂
髮灰二錢以水一中盞煎鹽至六分放溫調髮灰
頓服良久再服

霍亂轉筋垂死用故蒲一握細切以漿水一大盞煮

取六分去粗温温頻服立止

霍乱轉筋不止者用醎醋三二升煎五七沸看緊慢

用故綿浸醋裏貼患處微冷即換之○又用木瓜

及枝根煮熱湯頻頻服之

霍乱轉筋腹痛不止者小蒜一分鹽一分爛研內少

許於臍中上以艾火灸七壯立効

霍乱腹脹痛吐利挑葉一兩切以水一中盞煎至六

分去粗不許時候温服○又方以楠木煎濃湯服

立効如無楠木得樟木及杉木亦佳○又方蘆葉

一握剉以水一大盞煎至五分去粗頻服

消渴

遠行帶白梅則無渴患

治渴疾北五味子煎濃湯飲之

治消渴蘿蔔汁飲之愈○又方用桑椹子五斤取汁

入白沙蜜四兩銀石銚內熬成膏子以湯點任意

服試之甚驗○又北五味爛研作餅含化生津止

渴

治久病渴疾以八味丸治之○又方兔絲子煎汁信

意服渴止爲度○又方用黃連四兩洗淨去鬚槌
碎爛研冬瓜不拘多少拌勻盪之夏一宿秋冬三
宿取出晒乾爲末再用冬瓜汁煮麩糊丸如梧桐
子大每服三十九丸浮萍煎湯吞下○又方一味蓴
菜生食之用鹽醋亦可渴定則止向有一卒在途
中一飲凡數斗遇道人于邸中道有市蓴菜者道
人曰汝以是啖之未及半盞許已減三分之二其
卒盡力啖之詰朝則瘥固嘗試之累驗

治消渴免絲子不拘多少用酒浸晒於日中三兩日

爲一次換酒用時洗去酒濃煎湯飲

消渴不利宜多燒竹瀝食後時飲一合○又方故屋

上古瓦兩片淨洗槌碎以水煮取濃汁食後溫頻

服一小盞

消渴心神煩亂櫻栗一合細研以溫水一大盞調令

勻分三服食前服之○又方活蝸牛四十九枚以

水一大盞於磁器中浸一宿以器蓋之其蝸牛自

緣其器上取水頻服之重者不過三服

昔有任宦消渴醫者謂其不過三十日死遂棄官而

歸半途又遇一醫令急遣人致北梨二擔食盡必
瘥仕宦如其言得之途渴卽食未及五六十枚而
病止

吞物

誤吞錢以小羊蹄草嚼嚥卽下
誤吞錢鐵用伏龍肝水調下赤茯苓燒灰存性水下
亦得○又方桑柴灰細研米飲調下二錢立出○
又一法菘豆粉冷水調三錢亦佳○
誤吞錢及針釘之類用炭燒灰通紅急擣爲末米飲

調連進數服○又濃煎艾湯一二盞飲之○又錫
糖頻服半斤

誤吞椒閉氣不通食膠棗三兩枚解之

治百物入咽茯苓去皮貫衆甘草三味爲末米飲下
一錢

小兒誤食梅李核用少許水淋兒頭收其水與兒飲
之

酒醒

去酒毒細嚼葶藶澄茄解之爲效

飲酒不醉法葛花并小豆花等分乾末服方寸七許

卽醒

去酒毒附子天南星並各四錢用生姜八片水二盞

小煎八分一盞服之大驗

飲酒多吐宜煎黃芩建中湯冷飲自後吐酒必希間

有人患酒積纔飲腹痛百藥不効一日行速而渴路

傍買生葛食忽不痛後食數日除根是知葛能敗

酒也

治酒厥忽暈倒以生姜汁灌之卽甦

其蔗去皮節截作段子擘作兩片用小布袋盛之就

甦上開槽用板壓之出漿大解酒渴

專治酒食所傷服感應丸須是丸得極細用橘皮湯

下服了行數遭畧利一行立愈

吐酒桑黎樹上木耳以新瓦焙乾爲末糯米飲調服

治酒疽田螺七枚木養去泥土槌碎取螺頭細剉以

熱酒浸服

治酒黃田螺煮服神効○又香附子去毛爲末不拘

時侯茶酒調下或生嚼下○又生煮香附陳皮其
草少焙去陳皮并草沸湯點服

治吐酒先服養脾丸一服即不吐○又食銀杏亦不

吐酒

酒毒遍身黃腫者五靈脂一兩為末入射香少許丸

如豆大每服十九米飲下

病酒煮赤小豆汁熱飲

乾葛并松菜豆末蛤粉大解酒毒

宿醒未解則用蜜浸烏梅多啖乃醒

食巴欖能醒酒

水蟲

治水毒梔子裏皮貼之○又一法皂子燒灰砂糖和

少許刺破貼之

治水腫大附子一枚菜豆三合同煮熟豆腐以次皆

食之立愈神効

脚氣附腰痛

樟木為脚桶濯足大去脚氣

樟腦以少許放鞋內辟脚氣

脚氣方黑鯉魚作清羹或白蒸依常日下針忌鹽醬

對濕麪猪鷄等物累用有效

有寒濕疾之人當用綿裹足却着靴

病乾脚氣者用蘿蔔煎湯洗之或晒乾為末鋪於靴

內亦可

治脚皸裂臘月猪脂和蚌粉炒色白者熬成膏先以

湯洗淨傳之又爛蒸藕研成膏傳之

敗毒散大治脚氣

治行路脚板疼草烏甘草遂等分為末新汲水調塗

脚板

治癰乃脚板下釘子多生皮肉行步方覺只用狼毒

根一塊繫於裙帶上不數日自落也

治脚氣白芍藥六兩甘草一兩為末白湯點二錢服

○又方鹿末五積散加栝榔一箇煎一貼作一服

凍瘡以芸薹園荜煎湯薰洗

脚爛了以退鵝掌皮晒乾燒存性為末糝之

治脚氣終身不作灸風市并肩隅曲池三穴各七壯

○又方用布三尺縫作一袋實以數升黑豆置被

內熱脚腫

久行脚心腫痛以蚯蚓糞塗腫處高閣起脚又餅
愈

脚心痛以乾木瓜末煎大聖散服之

治脚氣楊花着鞋中或以綿絮入鞵內尤佳并一服

治足瘡蜜陀僧黃疽等分細嚼傳之

脚腿痛用馬屎少許銚子內炒熟以帛裹放痛處

治脚氣用敗毒散五積散相和入乾木瓜十片紫蘇

十葉同煎一服即愈

脚氣腫滿小腹痺悶以大麻仁一升研碎以酒五升

漬五六日後以食前隨性服之

脚氣痺攣不能行以烏麻五升微炒搗碎以酒一斗

漬三五日隨性煖飲之

脚氣衝心取古杉木上乾筋研碎煎湯服立効或加

少甘草及木香少許尤佳

松木為桶杓濯足煎湯時入少生葱大去脚氣

凡脚氣宜速灸乃速服藥則易愈凡灸初發隨病處

宜灸二三十壯即瘥不必要在正愈穴

轉筋方九轉筋入腹疼欲死者使四人捉手足灸臍
左邊二寸十四壯○又生姜一兩碎酒五盞煮
濃頓服○又醋煮衣絮令微温裹轉筋處○又濃
煎鹽湯通手足洗曾脇間○又方用雄黃生
蛇燒灰存性等分爲末傳之○又方用貫衆燒灰
存性抹之
腰痛轉筋不得以朔藿葉火燎過厚鋪床上承熱臥
於上冷復易之冬月取根舂碎醋熬令熱以帛裹
熨痛處亦効○又法以芸薹子一兩搗羅爲末醋

調塗於蠟紙上牢貼痛處覺熱極去之痛止

奇效手足

指迷方栝子仁丸治臂腫又方只服桂苓丸

手背痛腫謂之發鬢以苔脯浸乱研細傳之卽消又

手按地又以足踏即散

手足爲風濕所傷兼有脚氣晚蠶沙以米醋炒令熱

用綿包熨

治臂痛以當歸二三兩切作薄片酒浸三日飲其酒

又酒盡別換當歸浸如是三兩月其疾卽愈

足爲魚刺所刺以痺麻子去殼研令如膏藥貼之卽
出
足爲鞋所擦生血蠶以麻油針線穿之剪去兩頭少
半頃水出卽乾
治闕甲以舊定器爲細末和輕粉麻油調搽之
治散甲雄黃生蛇腿燒灰存性等分爲末傳之○又
方用古老錢煨過研細末濕乾糝乾用麻油調傳
治嵌甲用胡桃皮燒灰作末貼之○又方用鴨背膽
丸爲末抹之○又方以乳香末糝之血蝟尤效

血氣

治驚氣入心不能語蜜陀僧末一錢七許茶調服
吐血百藥不効只刺黃狗血熱飲數口卽止
治血箭用晚蠶綿燒灰傳立止○又方取車前草按
貼之卽止

血妄行不止者以刺澗草研汁新汲水調下冬月取
夏間晒乾者爲細末入射香少許水調一錢立効
藕蜜灸止吐血箭爲末止血
止刀箭血以五倍子四兩龍骨半兩同炒爲末糝刀

處傷血卽止

如中箭血不出急飲小便才得血出方可拔出箭

止血以栢枝炒子煎服

通血煎青栢枝服○又方藕節火燒成灰研細末飲

調下二錢

治血妄行藕節湯飲之

治血箭頭髮燒灰糝而按之卽止○又方取遺盆中

白泥塗之○又方或在乳邊或在裏外臑上有一

竅如針眼大血出箭過多暈倒用車前草貼出血

處卽止

舌間出血仍有小穴名曰舌衄炒槐花爲末糝之○

不若陳倉米愈妙炒爲細末糝之卽止累試有驗

治暴吐血多服理中湯卽止

治血妄行并臟毒柿乾燒灰每服二錢末米飲調下

治吐血以側栢葉研酒服卽愈

肌衄乃腿止血出胎髮燒灰填之卽止

治肺損嘔血白芨爲末米湯調飲之

治吐血真蒲黃黃藥子等分用生麻油於手心內調

以舌舐之

治吐血衄血蛤粉白膠香等分以好松烟墨汁調服

治肺破咯血香附子去毛為末以米飲調之

治血濺槐花半生半炒為末傳之

治血自皮膚間濺出以煮酒餅上紙碎撚如楊花捏

在出血處

小兒下血研酸草自然汁服之○又方栝柳至大者

半枚同麥門冬熟水磨至一盞重湯熱盪服○又

方當歸白芷等分為末每服二錢溫米飲調下

治尿後有血乾柿三枚燒灰陳米飲調服柿子性寒

故也○又血聚皮不破者蘿蔔菜研細盪以絹帛

縛之

金瘡以降真香碾細傳之○又以門扉後塵傳之

鼻衄

刀傷瘡滑石四兩黃丹一兩同研為細末乾糝之

血妄行服四物湯

治吐血松烟墨研服之即愈

治吐血側栢葉焙乾為末每二錢米飲調下如急要

用於新瓦上焙乾
治便血四君子湯加黃耆白扁豆等分如常服

湯火

治湯火傷者以醋泥傳之止痛亦無癩痕○又方以
紙蘸酒搭傷處卽不疼

凡被湯火成瘡用護火草碎研入少鹽傳之本草謂
之景天○又方以牛皮膠鎔令溫傳其上乾則自
起也○又方以芭蕉木雞翎掃之○又以柿油雞
翎掃之○又方桑椹黑者貯罐中自化取汁塗之

○又以豆醬塗之○又只好酒浸洗傷處良久痛
止○又鎔銀其錫出火多次者爲上如被傷急以
冷水於石上磨汁重塗不見卽止赤痕○又以落
地松皮碾爲細末糝之○又以黃瓦刮取末濕者
乾糝乾者油調塗屋上者最佳○又方雞子清塗
之仍無癩痕雞子殼燒灰油調傳之○又方薤白
不拘多少爛研取汁以鵝翎傳之又無癩痕○又
以乾桑葉爲細末乾者蜜調塗濕者乾糝○又以
臘茶傳之○又以冷麪糊塗之腐者尤佳○又方

油撒子燒灰存性細羅為末水調傳之
北大黃不拘多少放大雪中至消取出切作片露七
夜碾為細末用新汲水調傳湯火傷處○又方用
烏賊骨火煨為末水調傳之○又方爛红柿用新
磁器藏貯可傳湯火瘡○又方側栢葉陰乾碾為
細末用油調傳妙甚○又方以大黃為末米醋調
傳不獨止痛且無癢痕○又方先以薄紙隔傷處
用金櫻草葉末茶末水調塗其上候乾不損肉且
無痕○又方蛤蜊燒灰傳之

凡遭熱湯潑者急以鹽糝用手按之即無癢痕
治湯火燒用芝麻炒黑焦研為細末以生麻油調傳
○又方用竈中灰篩細以新汲水調塗即瘥○又
方臘月柿油搽之○又炭為細末糝之亦可或淋
灰羅中灰亦佳○又方糯米炒焦為末井水調傳
○又方臘月取鷺鶩煎成油藏之用鷺翎刷之○
又方裹陳江茶箬葉燒灰研細羅過用生油輕粉
調傳若濕乾糝酒餅頭者尤效○又方如瘡敗壞
用雲母粉同生羊髓和如泥塗之

爲湯火所傷以柿膠或山藥塗之痛止而無癢痕○
又方急以小便洗之○又方用飛羅麪生油調傳
痛即定或極細麪亦得○又方敗龜板燒爲末入
少射香輕粉調油塗之○又方以小粉炒焦爲末
臘月猪脂調傳
臘月鼠煎油治火瘡

鍼灸

凡點灸處須用臘紙量度免走作若用草則無準
灸必脾疼男左女右脚大指背甲盡處擦肉止灸三

壯

灸牙疼以肩尖骨鐮間灸三醮左則灸右右則灸左
凡量灸穴寸男左女右手屈中指以兩節縫爲度而
量之爲一寸

小兒未滿月度怯者先灸其臍然後灸百會則令兒
壯少病百會穴卽頂心是也

折傷

打撲傷損用苧麻根研細米醋馬尾孛生麪同研罨
傷處

凡有擗損肌體者以皂帛摩之即消仍不腫無痕

治擗撲傷損以酒調蘇合香丸服之

凡人誤為刃傷世傳血蝎最效往往難得惟降真香

一名草血蝎

碾為細末用以代之其功不減真者有人

因忿自戕其本已不可活號叫所不忍聞其家急
以此施之痛既隨定又復再生

端午日取百草頭一斤薤五斤或韭九佳水洗淨石

臼中舂極細拌礬石灰團之為刀瘡藥

治打撲傷損南番膠墨用酒調服之

刀箭傷以槐花炒焦為末乾不得犯水

打撲傷損以陳槐花不拘多少入血蝎同為末乾糝

即血止亦能止痛無血蝎亦得

凡擗撲傷損以魚膠燒灰存性用一錢末酒調下空

心服

如無魚膠牛膠亦可

擗撲傷損用松節煎喫

刀傷及竹木刺血出急以自已小便淋洗三兩次立

止須防入水

金瘡傷血不止大刺芥根葉皆用同搗爛團成餅今

乾遇有傷者刮細末貼傷處血立止不用封口扎

金瘡深者若以藥速合則內潰宜用此藥以黃丹滑石細研等分傳之

刀鎗箭斧所傷用白香芷爛嚼和土傳之血便不出其土須生土為佳踏成路者不可用瘡即斂數日愈陝兩軍人出戰常携一塊繫之衣帶間以備緩

急

擲撲有傷口嚼燈心罨之即止

擲撲傷損用生紫蘇研爛盒之瘡口自合
治骨折取銅末和酒服之

治打撲磕損石榴葉細研罨之

凡擲撲或打傷昏悶生蜜二錢酒半盞童子小便一盞調灌大小便通即醒

治傷損瘡以頭髮燒為末入輕粉油調傳

擲撲傷損急以姜汁和酒等分拌麪貼之

凡人被刀刃所傷便閉氣急以五倍子末或入龍骨少許同炒為末貼之立効

凡缺破用桑白皮作線縫之

打撲傷損以桑白皮搗汁擦之

擗撲或刃傷多槌白梅盒瘡口免破傷風

金刃所傷五倍子末乾貼血立止倉皇之際槌碎亦

可用五倍子一名小血蝎

擗撲傷損出血冬青葉晒乾爲末糝傷處血自止或

細嚼罨之亦得

凡擗傷刀傷遇物皆可燒灰油調傳之血卽止

治打撲傷損及脚轉筋黃蘗及半夏等分爲末生姜

自然汁調傳

治閃肭樟樹枝葉濃煎湯洗先薰之

治閃肭着米醋糟和平胃散罨之

寒食日水浸糯米逐日換水至小滿漉出晒乾炒黃

碾末水調療打撲傷及諸瘡腫○又方用雲母粉

傳之絕妙

墮落車馬傷延胡索一兩搗羅爲末以豆淋酒調下

二錢

被馬墜損腫疼取好土和醋蒸令熟封裹損處斯頃

疼痛立止凡從高墜下及爲木石所笮凡是傷損

血瘀凝積氣欲絕者皆治之取淨土五斤蒸之令

温分半用布裹以熨傷處之上勿令大熱及熨破
皮肉冷卽易之取瘥乃止

撲打墜損惡血切心悶亂疼痛者以大乾荷葉五斤
燒令烟盡細研爲末每於食前用童子熟小便一
盞小盞調下三錢日三錢以利下惡物爲効

被打頭血青腫灸猪肝貼之乾卽易之○又方炙肥
猪肉熟搗於上立瘥○又方用大豆黃末水調塗
之

折傷止痛苡蓼子炒搗爲末每服二錢熱酒調下立

愈

破傷風方以草烏頭生爲末擦在傷處俟覺痛以好
醋擦之○又破傷風浮腫用蟬蛻不拘多少爲末
葱涎調塗破處卽時取去惡木立効○又破傷風
如瘡癰痛者急尋路行人糞下土調傳之立愈○
又方跣折四枚骨碎筋傷豉三升以水五升漬豉
一宿取汁温服一中盞日三服効

盜汗

治盜汗臨臥食宿炊餅一枚卽止○又方以猪桐骨

濃煎汁熟調平胃散空心服之神效
止汗白朮一時為細末沸湯調服不拘時○又方陳
糯米不拘多少麥麩炒令黃色碾細為末米飲調
下不拘時一服有效○又方用猪腦一斤和麩炒
赤為末飯飲調下一錢○又方椒白麩皮等分同
炒香熟為末白炙猪肉糝末食之

欬嗽

欬嗽久不瘥者用皂莢五箇不蟲者去黑皮塗酥炙
令黃色焦去子搗羅為末煉蜜丸如梧桐子大每

食前以桑白皮湯下十九

卒咳嗽以白蜆殼不計多少淨洗搗研令細每服以
粥飲調下一錢日三四服


咳嗽不止胸膈氣壅滯者取桃仁一升去皮尖麩炒
令黃細研內餅盛以酒五升浸密封三日後每
服煖一小盞飲之日三四服

咳嗽喉中呀呷作聲以水牛鼻尖用慢火炙乾搗細
羅為末每服用茶清調下一錢不過五服瘥○又
蟬殼七枚研末以粥飲調服

咳嗽有冷有熱飲酒不嘔者爲冷飲而多嗽者爲熱
暴感寒嗽用錫包馬屁苧一塊含化次飲生薑自然
汁少許

凡痰嗽以生姜自然汁調理中湯蘇合各爲丸用湯
解而飲

治喘真血蝎少許爲細末湯調飲之



博聞類纂卷第八

